

நமோ தஸ்ஸ ப்⁴க³வதோ அரஹதோ ஸம்மாஸம்பு³த்³த்⁴ஸ்ஸ.

பா³லாவதார

பணாம

[க]

ஸப்³ப³ங் நிருத்திபத²பாரக³தங் ஸபு³த்³த்⁴ங்,
பு³த்³த்⁴ங் திலோகதிலகங் ஹதபாபத்⁴ம்மங்;
த்⁴ம்மங் விமுத்திஸுக²த³ங் விஹதாக⁴ஸங்க⁴ங்,
ஸங்க⁴ங் ச நிச்சமபி⁴வந்தி³ய த³க்கி²ணெய்யங்.

[க²]

வுத்³தி⁴ப்பத்தொஸ்மி முத்³தோ⁴ மம வரக³ரவோ
ஸீலபஞ்ஞாதி³ஸோபே⁴,
சந்தா³தி³ச்சேவ ஸுத்³தே⁴ வரஜினட²பிதே ஸாஸனாப்³பே⁴ பதீதே;
நிஸ்ஸாயேவா திபேமா பணமிய ஸிரஸா நிச்சமேஸங் ஸரித்வா,
பாத³ம்போ⁴ஜே கு³ணக்³கே³ ஹதது³ரிதமலோ ஆனுபா⁴வேன தஸ்ஸா.

[க³]

போராண ஸீஹள பத³த்த² வினிச்ச²யஞ்ச,
ஸப்³ப³ம்பி மாக³த்⁴னிருத்தினயங் பஸத்த²ங்;
அஞ்ஞஞ்ச நேகவித்⁴ ஸக்கத ஸத்³த³ஸத்த²ங்,
பாரம்பராப⁴த மதஞ்ச நிஸம்ம ஸம்மா.

[க⁴]

பா³லாவதார வரமாக³த்⁴ ஸத்³த³ஸத்தே²,
து³ப்³போ³த்⁴ நேகபத³அத்த² வினிச்ச²யேன;
அத்தா²ய ஆது⁴னிக பா³லபரம்பராய,
பா³லாவதார வரக³ண்டி²பத³ங் கரிஸ்ஸங்.

[ங]

நிச்சங் யே மெத்த² பா³லா வரஹத³யயுதா ஸுட்டு² நிக்கி²த்தனெத்தா,
புண்ணே நானானயானங் ஸுரதருஸதி³ஸே தீ⁴ரபாஸங்ஸியே வே;
க³ம்பீ⁴ரங் து³த்தரங் தே ஜினவசனுத³தி⁴ங் திண்ணதா²மா ப⁴வெய்யுங்,
லத்³தோ⁴பாயா ச சந்த³ங் ததி³தரபசுரங் ஸக்கதங் ஸோதுகாமா.

[ச]

க³ந்த²னிப்ப²த்தியா ஸேஸ - து³க்கரத்தங் யதா²வதோ;
ஜானந்தி குஸலா தீ⁴ரா, நேகஸத்த²ந்தராதி³ஸு;
க³ந்தே²ஸு கு³ணதோ³ஸம்பி, தேயேவ விது³ரா ஸதா³.

[ச²]

தஸ்மா எத்த² பமாதா³தி³ - தோ³ஸலேஸோ ப⁴வே யதி³;
போராணாசேரலத்³தீ⁴ஹி, விலோமங் வா ப⁴வெய்ய சே.

[ஜ]

க³ந்த²ந்தரங் விகா³ஹெத்வா, விசாரெத்வா புனப்புனங்;
யுத்திமேவ ச க³ண்ஹந்து, ஹுத்வா வீமங்ஸபுத்³தி⁴காதி.

பணாம

1. புத்³த⁴ங் திதா⁴ பி⁴வந்தி³த்வா, புத்³த⁴ம்புஜ விலோசனங்.

பா³லாவதாரங் பா⁴ஸிஸ்ஸங், பா³லானங் புத்³தி⁴வுத்³தி⁴யா.

1. ஸந்தி⁴ கண்ட³

ஸஞ்ஞா

2. அக்க²ராபாத³யோ ஏகசத்தாலீஸங்.

அக்க²ராபி அகாராத³யோ ஏகசத்தாலீஸங் ஸுத்தந்தோபகாரா. தங் யதா²-அ ஆ-இ ஈ-உ ஊ-ஏ ஓ, க க² க³ க⁴ ங, ச ச² ஜ ஜ² ஞ, ட ட² ட³ ட⁴ ண, த த² த³ த⁴ ந, ப ப² ப³ ப⁴ ம, ய ர ல வ ஸ ஹ ள அங்-இதி.

3. தத்தோ²த³ந்தாஸரா அட்ட².

தத்த² அக்க²ரேஸு ஓகாரந்தா அட்ட² ஸரா நாம. தத்தே²தி வத்ததே.

4. லஹுமத்தா தயோ ரஸ்ஸா.

தத்த² ஸரேஸு லஹுமத்தா அ, இ, உ இதி தயோ ரஸ்ஸா.

5. அஞ்ஞே தீ³கா⁴.

தத்த² ஸரேஸு ரஸ்ஸேஹஞ்ஞே தீ³கா⁴.

ஸங்யோக³தோ புப்³பே³ ஏஓ ரஸ்ஸா இவோச்சந்தே, அனந்தரா ப்யஞ்ஜனா ஸங்யோகோ³. எத்த², ஸெய்யோ, ஒட்டோ², ஸொத்தி².

6. ஸேஸா ப்யஞ்ஜனா.

ஸரே ட²பெத்வா ஸேஸா காத³யோ நிக்³க³ஹீதந்தா ப்யஞ்ஜனா.

7. வக்³கா³ பஞ்சபஞ்சஸோ மந்தா.

ப்யஞ்ஜனானங் காத³யோ மகாரந்தா பஞ்சபஞ்சஸோ அக்க²ரவந்தோ வக்³கா³.

8. வக்³கா³னங் பட²மது³தியா ஸோ சாகோ⁴ஸோ. ளந்தாஞ்ஞே கோ⁴ஸா. கோ⁴ஸாகோ⁴ஸஸஞ்ஞா ச “பரஸமஞ்ஞா பயோகே³”தி ஸங்க்³ஹீதா. ஏவங் லிங்க³, ஸப்³ப்³னாம, பத³, உபஸக்³க³, நிபாத, தத்தி⁴த, ஆக்²யாத, கம்மப்பவசனீயாதி³ஸஞ்ஞா ச.

9. அங்இதி நிக்³க³ஹீதங்.

அங்இதி அகாரதோ பரங் யோ பி³ந்து³ ஸுயதே, தங் நிக்³க³ஹீதங் நாம.

பி³ந்து³ சூளாமணாகாரோ, நிக்³க³ஹீதந்தி வச்சதே.

கேவலஸ்ஸா ப்பயோகத்தா, அகாரோ ஸன்னிதீயதே.

10. அ, கவக்³க³, ஹா கண்ட³ஜா, இ, சவக்³க³, யா தாலுஜா, உ, பவக்³கா³ ஒட்ட²ஜா, டவக்³க³, ர, ளா முத்³த⁴ஜா, தவக்³க³, ல, ஸா த³ந்தஜா, ஏ கண்ட²தாலுஜோ, ஓ கண்டொட்ட²ஜோ, வோ த³ந்தொட்ட²ஜோ.

ஸஞ்ஞா

ஸரஸந்தி⁴

11. லோக அக்³கோ³இத்யஸ்மிங் - “புப்³பு³மதோ⁴டி²த மஸ்ஸரங் ஸரேன வியோஜயே”தி புப்³பு³பு³யஞ்ஜனங் ஸரதோ புத்²க்காதப்³புங்.

ஸரா ஸரே லோபங்.

அனந்தரே ஸரே பரே ஸரா லோபங் பப்பொந்தி.

“நரே பரங் யுத்தே”தி அஸ்ஸரோ ப்³யஞ்ஜனோ பரக்க²ரங் நேதப்³போ³ லோகக்³கோ³.

ஸரெத்யஸ்மிங் ஒபஸிலேஸிகோ காஸஸத்தமீ, ததோ வண்ணகாலப்³யவதா⁴னே காரியங் ந ஹோதி. யதா²-மங் அஹா ஸீதி, “பமாத்³மனுயுஞ்ஜந்தீ”த்யாதி³கா³தா²யங் ‘ஜனா அப்பமாத்³ந்தி ச. ஏவங் ஸப்³பு³ஸந்தீ⁴ஸு.

அனந்தரங் பரஸ்ஸ ஸரஸ்ஸ லோபங் வக்க²தி, தஸ்மானேன புப்³பு³ஸ்ஸ லோபோ ஞாயதி, தேனேவ ஸத்தமீனித்³தி³ட்ட²ஸ்ஸ பரதாபி க³ம்யதே.

12. ஸரெத்யதி⁴காரோ. பன இமே பன இமேதீஹ-ஸரா லோபங் இத்வேவ.

வா பரோ அஸருபோ.

அஸமானருபாஸரம்ஹா பரோ ஸரோ வா லுப்யதே, பனமே, பனிமே.

13. ப்³ந்து⁴ஸ்ஸ இவ, ந உபேதீதீ⁴ -

க்வசாஸவண்ணங் லுத்தே.

ஸரே லுத்தே பரஸரஸ்ஸ க்வசி அஸவண்ணோ ஹோதீதி இ உ இச்சேதேஸங் டா²னாஸன்னா ஏ ஓ. ப்³ந்து⁴ஸ்ஸேவ. நோபேதி.

14. தத்ர அயங், யானி இத⁴, ப்³ஹு உபகாரங், ஸத்³தா⁴ இத⁴, ததா² உபமந்த்யேதஸ்மிங் -

தீ³க⁴ங்.

ஸரே லுத்தே பரோ ஸரோ க்வசி டா²னாஸன்னங் தீ³க⁴ங் யாதி. தத்ராயங், யானீத⁴, ப³ஹுபகாரங், ஸத்³தீ⁴த⁴, ததூ²பமங்.

15. கிங்ஸு இதெ⁴த்யத்ர -

புப்³போ³ ச.

ஸரே லுத்தே புப்³போ³ ச க்வசி தீ³க⁴ங் யாதி. கிங் ஸுத⁴.

16. தே அஜ்ஜ, தே அஹங்தெத்த² -

யமேத³ந்தஸ்ஸாதே³ஸோ.

ஸரே பரே அந்தஸ்ஸ ஏகாரஸ்ஸ க்வசி யோ ஆதே³ஸோ ஹோதி, த்யஜ்ஜ, “தீ³க⁴”ந்தி ப்யஞ்ஜனே பரே க்வசி தீ³கோ⁴, த்யாஹங்.

க்வசீதி கிங். நெத்த².

17. ஸோ அஸ்ஸ, அனு ஏதித்யெத்த² -

வமோது³த³ந்தானங்.

ஸரே பரே அந்தோ காருகாரானங் க்வசி வோ ஆதே³ஸோ ஹோதி. ஸ்வஸ்ஸ, அன்வேதி.

க்வசீதி கிங். தயஸ்ஸு, ஸமேதாயஸ்மா.

18. இத⁴ அஹங் தீத⁴ -

தோ³ த⁴ஸ்ஸ ச.

ஸரே பரே த⁴ஸ்ஸ க்வசி தோ³ ஹோதி. தீ³கோ⁴ - இதா³ஹங். க்வசீதி கிங். இதே⁴வ. சகாரேன ப்யஞ்ஜனேபி, இத⁴ பி⁴க்க²வே.

19. பதி அந்துங், வுத்தி அஸ்ஸேதீஹ -

இவண்ணோ யன்னவா.

ஸரே பரே இவண்ணஸ்ஸ யோ நவா ஹோதி. கத யகாரஸ்ஸ திஸ்ஸ “ஸப்³போ³ சந்தீ”தி க்வசி சாதே³ஸே “பரத்³வேபா⁴வோ டா²னே”தி ஸரதோ பரப்யஞ்ஜனஸ்ஸ டா²னாஸன்னவஸா த³வித்தங். பச்சந்தங், வுத்யஸ்ஸ.

நவாதி கிங். படக்³கி³,

எத்த² “க்வசி படி பதிஸ்ஸே”தி பதிஸ்ஸ படி, வண்ணக்³க³ஹணங்
ஸப்³புத்த² ரஸ்ஸதீ³க⁴ ஸங்க³ஹணத்த²ங்.

20. யதா² ஏவேதீஹ -

ஏவாதி³ஸ்ஸ ரி புப்³போ³ ச ரஸ்ஸோ.

ஸரதோ பரஸ்ஸ ஏவஸ்ஸாதி³ஏகாரோ ரித்தங் நவா யாதி. புப்³போ³ ச
டா²னாஸன்னங் ரஸ்ஸங். யத²ரிவ. யதே²வ.

21. ந இமஸ்ஸ, தி அங்கி³கங், லஹு எஸ்ஸதி, அத்த² அத்த²ங், இதோ
ஆயதி, தஸ்மா இஹ, ஸப்³பி⁴ ஏவ, ச² அபி⁴ஞ்ஞா, புத² ஏவ, பா ஏவதீஹ வா
த்வேவ -

ய வ ம த³ ந த ர ளா சாக³மா.

ஸரே பரே யாத³யோ ஆக³மா வா ஹொந்தி, சகாரேன கோ³ ச. நயிமஸ்ஸ,
திவங்கி³கங், லஹுமெஸ்ஸதி, அத்தத³த்த²ங், இதோனாயதி, தஸ்மாதிஹ,
ஸப்³பி⁴ரேவ, ச²ளபி⁴ஞ்ஞா, புத²கே³வ, “ரஸ்ஸ”ந்தி ப்யஞ்ஜனே பரே க்வசி
ரஸ்ஸோ. பகே³வ.

வாதி கிங். ச² அபி⁴ஞ்ஞா, புத² ஏவ, பா ஏவ.

எத்த² “ஸரே க்வசீ”தி ஸரானங் பகதி ஹொதி, ஸஸ்ஸருபமேவ, ந
விகாரொத்யத்தோ².

22. அபி⁴ உக்³க³தொத்யத்ர -

“அப்³போ⁴ அபீ⁴”தி அபி⁴ஸ்ஸ அப்³போ⁴. அப்³பு⁴க்³க³தோ.

ஸரஸந்தி⁴

ப்யஞ்ஜனஸந்தி⁴

23. ப்யஞ்ஜனெத்யதி⁴காரோ. க்வசீத்வேவ. ஸோ பி⁴க்கு², கச்சி நு த்வங்,
ஜானேம தந்தீஹ -

லோபஞ்ச தத்ராகாரோ.

ப்யஞ்ஜனே பரே ஸரானங் க்வசி லோபோஹொதி, தத்ர லுத்தே டா²னே
அகாராக³மோ, சகாரேன ஓகாருகாராபி. ஸபி⁴க்கு² கச்சினோ த்வங், ஜானேமு

தங்.

க்வசீதி கிங், ஸோமுனி.

24. உகோ⁴ஸோ , ஆகா²தந்தீஹ - த்³வேபா⁴வே டா²னே இத்வேவ.

வக்³கே³ கோ⁴ஸாகோ⁴ஸானங் ததியபட²மா.

வக்³கே³ கோ⁴ஸாகோ⁴ஸானங் சதுத்த²து³தியானங் தப்³பக்³கே³ ததியபட²மா ஹொந்தி யதா²ஸங்க²யங் யுத்தே டா²னே, உக்³கோ⁴ஸோ, ரஸ்ஸே அக்கா²தங்.

25. பர ஸஹஸ்ஸங், அதிப்பகோ²தீஹ - “க்வசி ஓ ப்³யஞ்ஜனே”தி ஓகாராக³மோ. பரோஸஹஸ்ஸங். கா³க³மே ச, அதிப்பகோ³கோ².

26. அவ நத்³தா⁴த்யத்ர - “ஓ அவஸ்ஸே”தி க்வசி அவஸ்ஸ ஓ. ஓனத்³தா⁴.

க்வசீதி கிங். அவஸுஸ்ஸது.

ப்³யஞ்ஜனஸந்தி⁴.

நிக்³க³ஹீதஸந்தி⁴

27. நிக்³க³ஹீதந்த்யதி⁴காரோ . கிங் கதோ, ஸங் ஜாதோ, ஸங் டி²தோ, தங் த⁴னங், தங் மித்தந்திஹ -

வக்³க³ந்தங் வா வக்³கே³.

வக்³க³ப்³யஞ்ஜனே பரே பி³ந்து³ஸ்ஸ தப்³பக்³க³ந்தோ வா ஹொதி. கிங்கதோ, ஸஞ்ஜாதோ, ஸண்டி²தோ, தந்த⁴னங், தம்மித்தங்.

வாதி கிங். ந தங் கம்மங்.

வாகாரேனேவ லே லோ ச. புல்லிங்க³ங்.

28. வாத்யதி⁴காரோ . ஏவங் அஸ்ஸ, ஏதங் அவோசேதீஹ -

மதா³ ஸரே.

ஸரே பரே பி³ந்து³னோ ம தா³ வா ஹொந்தி. ஏவமஸ்ஸ, ஏதத்³வோச.

வாதி கிங். மங் அஜினி.

29. தங் ஏவ, தங் ஹீதீஹ -

ஏஹேஞங்.

ஏகாரே, ஹே ச பரே பி³ந்து³னோ ஞோ வா ஹோதி. த்³வித்தே - தஞ்ஞேவ, தமேவ. தஞ்ஹி, தங் ஹி.

30. ஸங்யோகோ³தீஹ -

ஸயே ச.

யகாரே பரே தேன ஸஹ பி³ந்து³னோ ஞோ வா ஹோதி. த்³வித்தே - ஸஞ்ஞோகோ³, ஸங்யோகோ³.

31. சக்கு² அனிச்சங், அவ ஸிரோதீஹ - ஆக³மோ, க்வசித்வேவ.

நிக்³க³ஹீதஞ்ச.

ஸரே, ப்³யஞ்ஜனே வா பரே க்வசி பி³ந்த்³வாக³மோ ஹோதி. சக்கு²ங்அனிச்சங், அவங்ஸிரோ.

32. விதூ³னங் அக்³கங், தாஸங் அஹந்தீஹ -

“க்வசி லோபங்”தி ஸரே பி³ந்து³லோபோ, விதூ³னக்³கங். தீ³கே⁴தாஸாஹங்.

33. புத்தா⁴னங் ஸாஸனங், ஸங் ராகோ³தீஹ -

“ப்³யஞ்ஜனே சே”தி பி³ந்து³லோபோ, புத்தா⁴னஸாஸனங். தீ³கே⁴ஸாராகோ³.

34. பீஜங் இவேதீஹ -

பரோ வா ஸரோ.

பி³ந்து³தோ பரோ ஸரோ வா லுப்யதே, பீஜங்வ.

35. ஏவங் அஸ்ஸேதீஹ -

ப்³யஞ்ஜனோ ச விஸஞ்ஞோகோ³.

பி³ந்து³தோ பரே ஸரே லுத்தே ஸங்யோகோ³ ப்³யஞ்ஜனோ வினட்ட²ஸங்யோகோ³ ஹோதீதி புப்³பு³ஸலோபோ. ஏவங்ஸ.

நிக்³க³ஹீதஸந்தி⁴.

வோமிஸ்ஸக ஸந்தீ⁴

36. அனுபதி³ட்டா²னங் வுத்தயோக³தோ.

இதா⁴னித்தி³ட்டா² ஸந்த⁴யோ வுத்தானுஸாரேன ஞே ய்யா, யதா² - யதி³ ஏவங், போ³தி⁴ அங்கா³தீஹ - யாதே³ஸே இமினா ஸுத்தேன த³யகாரஸங்யோக³ஸ்ஸ ஜோ, த⁴யகாரஸங்யோக³ஸ்ஸ ஜோ², த்³வித்தே - யஜ்ஜேவங், பொ³ஜ்ஜ²ங்கா³.

37. அஸதி³ஸஸங்யோகே³ ஏகஸருபதா ச.

பரி ஏஸனாதீஹ - யாதே³ஸே ரகாரஸ்ஸ யோ, பய்யேஸ நா.

38. வண்ணானங் ப³ஹுத்தங், விபரீததா ச.

ஸரதி, இதி ஏவ, ஸா இத்தீ², பு³ஸங் ஏவ, ப³ஹு ஆபா³தோ⁴, அதி⁴ அப⁴வி, ஸுக²ங், து³க்க²ங், ஜீவோதீஹ -

மாக³மோ ஸகாரே அகாரஸ்ஸ உ ச, ஸுமரதி.

இஸ்ஸ வோ, இத்வேவ.

பரலோபே ஆகாரஸ்ஸ ஓ, ஸொத்தீ².

மாதே³ஸே , பு³ப³தீ³கே⁴ ச ஏகாரஸ்ஸ இ. பு³ஸாமிவ.

வாதே³ஸே ஹவகாரவிபரியயோ. ப³ஹ்வாபா³தோ⁴.

அதி⁴ஸ்ஸ க்வசி அத்³தோ⁴, தீ³கே⁴-அத்³தா⁴ப⁴வி.

பி³ந்து³னோ, ஓகாரஸ்ஸ ச ஏ. ஸுகே², து³க்கே², ஜீவே.

39. ரதா³னங் னோ, படிபோ³தோ⁴, பரிளாஹோ.

40. ஸரே, ப்³யஞ்ஜனே வா பரே பி³ந்து³னோ க்வசி மோ. மம அபா⁴ஸி, பு³த்³த⁴ம ஸரணங், பு³பே³ மோ பரங் ந நேதப்³போ³ அயுத்தத்தா.

41. பி³ந்து³தோ பரஸரான மஞ்ஞஸ்ஸரதாபி.

தங் இமினா, ஏவங் இமங், கிங் அஹங் தீஹ-இஸ்ஸ அ. தத³மினா.

இஸ்ஸ உ, அகாரஸ்ஸ ச ஏ, பி³ந்து³லோபாதோ³. ஏவுமங், கேஹங்.

42. வாக்யஸுகு²ச்சாரணத்த²ங், ச²ந்த³ஹானித்த²ஞ்ச வண்ணலோபோபி.

படிஸங்கா²ய யோனிஸோதீஹ - புப்³ப³யலோபோ, படிஸங்கா²யோனிஸோ.

43. அலாபூ³னித்யாதோ³ அகாரலோபோ. லாபூ³னி ஸீத³ந்தி, ஸிலா ப்லவந்தி.

44. வுத்யபே⁴தா³ய விகாரோபி.

அகரம்ஹஸே தெத்யாதோ³ ஸகாரே க³ருனோ ஏகாரஸ்ஸ இமினா
லஹுஅகாரோ, அகரம்ஹஸ தே கிச்சங்.

45. அக்க²ரனியமோ ச²ந்த³ங், க³ருலஹுனியமோ ப⁴வே வுத்தி,

தீ³கோ⁴, ஸங்யோகா³தி³புப்³போ³ ரஸ்ஸோ ச க³ரு, லஹு து ரஸ்ஸோ.
யதா²- ஆ, அஸ்ஸ, அங், அ.

46. ஏவமஞ்ஞாபி விஞ்ஞெய்யா, ஸங்ஹிதா தந்தியா ஹிதா;
ஸங்ஹிதாதி ச வண்ணானங், ஸன்னித⁴ப்³யவதா⁴னதோ.

வோமிஸ்ஸகஸந்தி⁴.

2. நாமகண்ட³

புல்லிங்க³

47. “ஜினவசனயுத்தங் ஹி”தி ஸப்³புத்தா²தி⁴காரோ.

லிங்க³ஞ்ச நிபச்சதே.

தா⁴துப்பச்சயவிப⁴த்திவஜ்ஜிதமத்த²யுத்தங் ஸத்³த³ருபங் லிங்க³ங் நாம,
ஜினவசனயொக்³க³ங் லிங்க³ங் இத⁴ ட²பீயதி நிப்பா²தீயதி ச.

48. புத்³த⁴இதி டி²தே -

ததோ ச விப⁴த்தியோ.

தஸ்மா லிங்கா³ பரா விப⁴த்தியோ ஹொந்தி. சகாரேன தாஸங்
ஏகவசனாதி³பட²மாதி³ஸஞ்ஞா ச.

“ஸி யோ அங் யோ நா ஹி ஸ நங் ஸ்மா ஹி ஸ நங் ஸ்மிங் ஸு” தி
விப⁴த்தியோ. ஸி யோ இதி பட²மா, அங் யோ இதி து³தியா, நா ஹி இதி
ததியா, ஸ நங் இதி சதுத்தீ², ஸ்மா ஹி இதி பஞ்சமீ, ஸ நங் இதி ச²ட்²,
ஸ்மிங் ஸு இதி ஸத்தமீ.

லிங்க³த்தே² பட²மா.

யோ கம்மகத்தாதி³வத்தந்தரமப்பத்தோ ஸஸ்ஸருபட்டோ² ஸுத்³தோ⁴,
ஸோ லிங்க³த்தோ² நாம, தஸ்ஸாபி⁴தா⁴னமத்தே பட²மாவிப⁴த்தி ஹொதி.
தஸ்ஸாபனியமே ஏகம்ஹி வத்தப்³பே³ ஏகவசனங் ஸி, வுச்சதே
நேனேதிவசனங், ஏகஸ்ஸத்த²ஸ்ஸ வசனங் ஏகவசனங். ஏவங் ப³ஹுவசனங்.

அதொத்வேவ.

ஸோ.

அகாரந்தா பரஸ்ஸ ஸிஸ்ஸ ஓ ஹொதி.

ஸரலோபோ மாதே³ஸப்பச்சயாதி³ம்ஹி ஸரலோபே து பகதி.

அங்ஆதீ³ஸு பரேஸு ஸரஸ்ஸ லோபோ ஹொதி, தஸ்மிங் கதே து
க்வசாதி³னா அஸவண்ணே பத்தே பகதி ஹொதி.

நயே பரங் யுத்தே. ஏவமுபரி ஸரலோபாதி³. புத்³தோ⁴.

புஹும்ஹி வத்தப்³பே³ புஹுவசனங் யோ.

அதோ வாத்வேவ.

ஸப்³புயோனீனமாஏ.

அகாரந்தா பரேஸங் பட²மது³தியாயோனீனங் யதா²ஸங்க்²யங் ஆஏ வா ஹோந்தி. பு³த்³தா⁴.

வாதி கிங். அக்³க³யோ.

49. லிங்க³த்தே² பட²மாத்வேவ.

ஆலபனே ச.

அபி⁴முகீ²கரணமாலபனங், தத³தி⁴கே லிங்க³த்தே² பட²மா ஹோதி.

“ஆலபனே ஸி க³ஸஞ்ஞோ”தி ஸிஸ்ஸ க³ஸஞ்ஞா. கே³இத்வேவ.

அகாரா பிதாத்³யந்தானமா.

கே³ பரே அகாரோ பிதுஸத்து²அத்தராஜாதீ³னமந்தோ ச ஆத்தங் யாதி.

“ஆகாரோ வா”தி கே³ பரே ஆகாரஸ்ஸ ரஸ்ஸோ வா.

ஸேஸதோ லோபங் க³ஸீபி.

ஸோ ஸிங் ஸ்யா ச ஸகா²தோ க³ஸ்ஸேவாத்யாதி³னித்³தி³ட்²ஹஞ்ஞே அவண்ணிவண்ணுவண்ணோகாரந்தா ஸேஸா, தேஹி பரே க³ஸீ லுப்யந்தே. ஹே - பு³த்³தா⁴, பு³த்³தா⁴. யோ - பு³த்³தா⁴.

50. கம்மத்தே² து³தியா.

யங் கரோதி, தங் கம்மங் நாம. தத்த² து³தியா ஹோதி. அங்³புத்³தா⁴ங். யொஸ்ஸ ஏ-பு³த்³தே⁴.

51. ததியாத்வேவ.

கத்தரி ச.

யோ கரோதி, ஸ கத்தா நாம. தத்த² ததியா ஹோதி. நா.

அதோ நேன.

அகாரா பரோ நா ஏனங் யாதி. புத்³தே⁴ன.

ஹி.

ஸுஹிஸ்வகாரோ ஏ.

ஸுஹிஸு பரெஸ்வகாரஸ்ஸ ஏ ஹோதி.

ஸ்மாஹிஸ்மின்னங் ம்ஹாபி⁴ம்ஹி வா.

ஸப்³புஸத்³தே³ஹி பரேஸங் ஸ்மாஹிஸ்மின்னங் யதா²ஸங்க்யங்
ம்ஹாபி⁴ம்ஹிஇச்சேதே வா ஹொந்தி. புத்³தே⁴பி⁴, புத்³தே⁴ஹி.

52. கரணே ததியா.

யேன வா கயிரதே, தங் கரணங் நாம. தத்த² ததியா ஹோதி. ஸப்³புங்
கத்துஸமங்.

53. ஸம்பதா³னே சதுத்தீ².

யஸ்ஸ தா³துகாமோ ரோசதே, தா⁴ரயதே வா, தங் ஸம்பதா³னங் நாம.
தத்த² சதுத்தீ² ஹோதி. ஸ.

அதோ வாத்வேவ.

ஆய சதுத்தே²கவசனஸ்ஸ து.

அகாரா பரஸ்ஸ சதுத்தே²கவசனஸ்ஸ ஆயோ வா ஹோதி. புத்³தா⁴ய.

“ஸாக³மோ ஸே”தி ஸே ஸகாராக³மோ. புத்³தா⁴ஸ்ஸ. நங்.

தீ³கா⁴ந்த்வேவ.

ஸுனங்ஹிஸு ச.

ஸுனங்ஹிஸு பரேஸு ஸராதி³னங் தீ³கோ⁴ ஹோதி. சஸத்³தே³ன க்வசி
ந. புத்³தா⁴னங்.

54. அபாதா³னே பஞ்சமீ.

யஸ்மாத³பேதி, ப⁴யமாத³த்தே வா, தத³பாதா³னங் நாம, தத்த² பஞ்சமீ
ஹோதி. ஸமா.

அதோ ஆஎத்வேவ.

55. ஸ்மாஸ்மின்னங் வா.

அகாரா பரேஸங் ஸ்மாஸ்மின்னங் ஆ ஏ வா ஹோந்தி. புத்தா⁴,
புத்த⁴ம்ஹா, புத்த⁴ஸ்மா. புத்தே⁴பி⁴, புத்தே⁴ஹி.

56. ஸாமிஸ்மிங் ச²ட்²டி².

யஸ்ஸ வா பரிக்க³ஹோ, தங் ஸாமீ நாம. தத்த² ச²ட்²டி² ஹோதி.
புத்த⁴ஸ்ஸ. புத்தா⁴னங்.

57. ஓகாஸே ஸத்தமீ.

யோதா⁴ரோ, தமோகாஸங் நாம. தத்த² ஸத்தமீ ஹோதி. ஸ்மிங்-புத்தே⁴,
புத்த⁴ம்ஹி, புத்த⁴ஸ்மிங். ஸு-புத்தே⁴ஸு.

58. புத்தோ⁴ புத்த⁴ ஸுக²ங் தத்தா³தி ஸரதோ புத்த⁴ங் ததோ
துக்கரங்,

கிங் புத்தே⁴ன மஹித்த⁴யோபி முனயோ புத்தே⁴ன ஜாதாஸுகீ;
புத்த⁴ஸ்ஸேவ மனங் ததே³ பத³மஹங் புத்தா⁴ லபெ⁴ய்யாச்சுதங்,
புத்த⁴ஸ்ஸித்தி⁴ ந கிங் கரே ப⁴வப⁴வே ப⁴த்தயத்து² புத்தே⁴
மம.

59. இதோ பரங் ததியாபஞ்சமீனஞ்ச சதுத்தீ²ச²ட்²டி²னஞ்ச ஸருபத்தா
பஞ்சமீச²ட்²டி²யோ பீ⁴யோ உபெக்க²ந்தே.

60. அத்த, ஸி.

ப்ரஹ்மத்தஸுக²ராஜாதி³தோ த்வேவ.

ஸ்யா ச.

ப்ரஹ்மாதி³தோ ஸிஸ்ஸ ஆ ஹோதி. அத்தா.

“யோனமானோ”தி ப்ரஹ்மாதி³தோ யோனங் ஆனொத்தங். அத்தானோ.

61. ஹே - அத்த, அத்தா. யோ, அத்தானோ.

62. “ப்ரஹ்மத்தஸுக²ராஜாதி³தோ அமான”ந்தி ப்ரஹ்மாதி³தோ
அங்வசனஸ்ஸ ஆனங் வா ஹோதி. அத்தானங், அத்தங். அத்தானோ.

63. அத்தேன, அத்தனா. பக்கே²-ஜினவசனானுரோதே⁴ன ஏனாபா⁴வோ.

“அத்தாந்தோ ஹிஸ்மிமனத்தங்”தி ஹிம்ஹி அத்தந்தஸ்ஸ அனோ.
அத்தனேஹி. ஏவங் கரணே.

64. “ஸஸ்ஸ நோ”தி நோகாரோ. அத்தனோ. அத்தானங்.

65. அம்ஹதும்ஹந்து ராஜப்³ரஹ்மத்தஸக² ஸத்து²பிதாதீ³ஹி ஸ்மா நாவ.

அம்ஹாதி³தோ ஸ்மா நா இவ ஹோதி. அத்தனா.

66. “ததோ ஸ்மின்னீ”தி ஸ்மினோ நி. அத்தனி. “அனத்த”ந்தி
பா⁴வனித்³தே³ஸேன ஸும்ஹி ச அனோ. அத்தனேஸு.

67. ராஜா அத்தாவ. நா.

ஸவிப⁴த்திஸ்ஸ ராஜஸ்ஸெத்வேவ.

நாம்ஹி ரஞ்ஞா வா.

நாம்ஹி ஸவிப⁴த்திஸ்ஸ ராஜஸத்³த³ஸ்ஸ ரஞ்ஞா வா ஹோதி. ரஞ்ஞா,
ராஜேன.

ராஜஸ்ஸ ராஜு ஸுனங்ஹிஸு ச.

ஸுனங் ஹிஸு பரேஸு ராஜஸ்ஸ ராஜு ஹோதி, சகாரேன க்வசி ந.

“ஸுனங்ஹிஸு சேதி” தீ³கே⁴ - ராஜுபி⁴, ராஜுஹி, ராஜேபி⁴, ராஜேஹி.

68. ஸவிப⁴த்திஸ்ஸெத்யதி⁴காரோ.

“ராஜஸ்ஸ ரஞ்ஞோ ராஜினோ ஸே”தி ஸே ரஞ்ஞோ ராஜினோ ஹொந்தி.
ரஞ்ஞோ, ராஜினோ.

“ரஞ்ஞங் நம்ஹி வா”தி நம்ஹி ரஞ்ஞங் வா. ரஞ்ஞங், ராஜுனங், ராஜானங்.

69. ஸ்மாஸ்ஸனாதுல்யத்தா-நாம்ஹி ரஞ்ஞா வா. ரஞ்ஞா, ராஜம்ஹா,
ராஜஸ்மா.

70. “ஸ்மிம்ஹி ரஞ்ஞே ராஜினீ”தி ஸ்மிம்ஹி ரஞ்ஞே ராஜினி ஹொந்தி.
ரஞ்ஞே, ராஜினி. ராஜுஸு, ராஜேஸு.

71. கு³ணவந்து, ஸி.

ஸவிப⁴த்திஸ்ஸ ந்துஸ்ஸெத்வேவ.

“ஆ ஸிம்ஹி”தி ஸிம்ஹி ஸவிப⁴த்திஸ்ஸ ந்துஸ்ஸ ஆ. கு³ணவா.

யொம்ஹி பட²மெத்வேவ.

ந்துஸ்ஸ ந்தோ.

பட²மே யொம்ஹி ஸவிப⁴த்திஸ்ஸ ந்துஸ்ஸ ந்தோகாரோ ஹோதி.
கு³ணவந்தோ.

ஸுனங்ஹிஸு அத்தங்த்வேவ.

ந்துஸ்ஸந்தோ யோஸு ச.

ஸுனங்ஹிஸு, யோஸு, சகாரேன அஞ்ஞேஸுபி பரேஸு ந்துஸ்ஸந்தோ
அத்தங் யாதி. கு³ணவந்தா.

72. ஸவிப⁴த்திஸ்ஸெத்யதி⁴காரோ . அங்இத்வேவ.

அவண்ணோ ச கே³.

கே³ பரே ஸவிப⁴த்திஸ்ஸ ந்துஸ்ஸ அங்அஆ ஹோந்தி.
ஹேகு³ணவங், கு³ணவ, கு³ணவா. யோ - கு³ணவந்தோ, கு³ணவந்தா.

73. அத்தங் - கு³ணவந்தங். கு³ணவந்தே.

74. “தோதிதா ஸஸ்மிங் நாஸ்வீ”தி ஸவிப⁴த்திஸ்ஸ ந்துஸ்ஸ நாம்ஹி
தா, ஸே தோகாரோ, ஸ்மிம்ஹி தி ச வா. கு³ணவதா, கு³ணவந்தேன.
கு³ணவந்தேபி⁴, கு³ணவந்தேஹி.

75. கு³ணவதோ, கு³ணவந்தஸ்ஸ.

“நம்ஹி தங் வா”தி நம்ஹி ந்துஸ்ஸ தங் வா. கு³ணவதங், கு³ணவந்தானங்.
ஸ்மா நாவ.

76. கு³ணவதி, கு³ணவந்தே, கு³ணவந்தம்ஹி, கு³ணவந்தஸ்மிங்,
கு³ணவந்தேஸு.

77. க³ச்ச²ந்த, ஸி.

“ஸிம்ஹி க³ச்ச²ந்தாதீ³னங் ந்தஸத்³தோ³ அ”ந்தி ந்தஸத்³தஸ்ஸ அங்வா,
ஸிலோபோ. க³ச்ச²ங், ஸிஸ்ஸ ஓ - க³ச்ச²ந்தோ.

க³ச்ச²ந்தாதீ³னங் ந்தஸத்³தொ³த்வேவ.

ஸேஸேஸுந்துவ.

வுத்தங் ஹித்வா ஸேஸேஸு க³ச்ச²ந்தாதீ³னங் ந்தஸத்³தோ³ ந்து இவ த³ட்ட²ப்³போ³. க³ச்ச²ந்தோ, க³ச்ச²ந்தாஇச்சாதி³.

ஸேஸங் கு³ணவந்துஸமங்.

78. க³ச்ச²ந்தாதீ³யோ நாம அந்தப்பச்சயந்தா.

79. அக்³கி³, ஸிலோபோ.

“இவண்ணுவண்ணா ஜ²லா”தி இவண்ணுவண்ணானங் யதா²ஸங்க்²யங் ஜ²லஸஞ்ஞா.

ஜ²லதோ வாத்வேவ.

க⁴பதோ ச யோனங் லோபோ.

க⁴பஜ²லதோ யோனங் லோபோ வா ஹோதி.

யோஸு கதனிகாரலோபேஸு தீ³க⁴ங்.

கதோ நிகாரோ லோபோ ச யேஸங் தேஸு யோஸு ஸரானங் தீ³கோ⁴ ஹோதி. அக்³கீ³. பக்கே²-அத்தந்த்வேவ.

யோ ஸ்வகதரஸ்ஸோ ஜோ².

யோஸு அகதரஸ்ஸோ ஜோ² அத்தங் யாதி. அக்³க³யோ. ததா²லபனே.

80. அங் மோ நிக்³க³ஹீதங் ஜ²லபேஹி.

ஜ²லபதோ அங் மோ ச பி³ந்து³ங் யந்தி. அக்³கி³ங். அக்³கீ³, அக்³க³யோ.

81. அக்³கி³னா. தீ³கோ⁴-அக்³கீ³பி⁴, அக்³கீ³ஹி.

82. “ஜ²லதோ ஸஸ்ஸ நோ வா”தி ஸஸ்ஸ நொத்தங் வா. அக்³கி³னோ, அக்³கி³ஸ்ஸ. அக்³கீ³னங்.

83. “ஜ²லதோ சே”தி ஸ்மாஸ்ஸ நா. அக்³கி³னா.

84. அக்³கி³ம்ஹி, அக்³கி³ஸ்மிங். அக்³கீ³ஸு.

85. ஆதி³ அக்³கீ³வ. ஸ்மிங்னோ பன “ஆதி³தோ ஓ சே”தி அங், ஓ ச வா. ஆதி³, ஆதோ³, ஆதி³ம்ஹி, ஆதி³ஸ்மிங். ஆதீ³ஸு.

86. த³ண்டி³ , ஸி.

“அகோ⁴ ரஸ்ஸ”மாதி³னா ரஸ்ஸே ஸம்பத்தே “ந
ஸிஸ்மிமனபுங்ஸகானீ”தி ஸிம்ஹி அனபுங்ஸகானங் ந ரஸ்ஸோ. ஸிலோபோ,
த³ண்டி³, யோலோபோ - த³ண்டி³. பக்கே² -

அகோ⁴ ரஸ்ஸமேகவசனயொஸ்வபி ச.

ஏகவசனயோஸு ஜ²லபா ரஸ்ஸங் யந்தி.

ஜ²தோ கதரஸ்ஸாத்வேவ.

யோனங் நோ.

கதஸ்ஸா ஜ²தோ யோனங் நொத்தங் ஹோதி. த³ண்டி³னோ.

87. “ஜ²லபா ரஸ்ஸ”ந்தி கே³ பரே ஜ²லபானங் ரஸ்ஸோ. ஹேத³ண்டி³.
த³ண்டி³, த³ண்டி³னோ.

88. வா அங்இத்வேவ.

“நங் ஜ²தோ கதரஸ்ஸா”தி அங்இச்சஸ்ஸ நங் வா. த³ண்டி³னங், த³ண்டி³ங்.
த³ண்டி³, த³ண்டி³னோ.

89. த³ண்டி³னா. த³ண்டி³பி⁴, த³ண்டி³ஹி.

90. த³ண்டி³னோ, த³ண்டி³ஸ்ஸ. த³ண்டி³னங்.

91. ஜ²தோ கதரஸ்ஸாத்வேவ.

“ஸ்மின்னீ”தி ஸ்மினோ நி. த³ண்டி³னி. த³ண்டி³ஸு.

92. பி⁴க்கு², ஸிலோபோ.

வா யோனங்த்வேவ.

“லதோ வோ காரோ சே”தி லதோ யோனங் வொத்தங் வா.

அத்தங் அகதரஸ்ஸாத்வேவ.

வேவோஸு லோ ச.

வேவோஸு அகதரஸ்ஸோ லோ அத்தங் யாதி. பி⁴க்க²வோ, பக்கே² -
யோலோப தீ³கா⁴. பி⁴க்க².

93. ஹே-பி⁴க்கு².

“அகதரஸ்ஸா லதோ ய்வாலபனஸ்ஸ வேவோ”தி ஆலபனே யொஸ்ஸ வேவோகாரா, அத்தங். பி⁴க்க²வே, பி⁴க்க²வோ, பி⁴க்க².

94. பி⁴க்கு²ங். பி⁴க்க²வோ, பி⁴க்க². ஸேஸங் அக்³கீ³வ.

95. ஏவங் ஜந்து. ஜந்தூ, ஜந்தவோ.

“லதோ வோகாரோ சே”தீஹ காரக்³க³ஹணேன யோனங் நொத்தங், சகாரேன க்வசி வோனோனமபா⁴வோவ விஸேஸோ. ஜந்துனோ, ஜந்துயோ.

96. ஸத்து², ஸி.

“ஸத்து²பிதாதீ³னமா ஸிஸ்மிங் ஸிலோபோ சே”தி ஸத்தா²த்யந்தஸ்ஸ ஆ, ஸிலோபோ ச. ஸத்தா².

ஸத்து²பிதாதீ³னந்த்யதி⁴காரோ.

அஞ்ஞெஸ்வாரத்தங்.

ஸிதோஞ்ஞேஸு ஸத்தா²த்யந்தஸ்ஸ ஆரோ ஹோதி.

ததோ யோனமோ து.

ததோ ஆரதோ யோனங் ஓ ஹோதி. ஸத்தா²ரோ.

97. ஹே-ஸத்த², ஸத்தா². ஸத்தா²ரோ.

98. ஸத்தா²ரங். ஸத்தா²ரே, ஸத்தா²ரோ.

99. “நா ஆ”தி ஆரதோ நாஸ்ஸ ஆ. ஸத்தா²ரா. ஸத்தா²ரேபி⁴, ஸத்தா²ரேஹி.

100. உ ஸஸ்மிங் ஸலோபோ ச.

ஸே ஸத்தா²த்யந்தஸ்ஸ உ ஹோதி ஸலோபோ ச வா. ஸத்து², ஸத்து²னோ, ஸத்து²ஸ்ஸ.

“வா நம்ஹி”தி நம்ஹி ஆரோ வா. ஸத்தா²ரானங்.

“ஸத்து²னாத்தஞ்சே”தி நம்ஹி ஸத்தா²த்யந்தஸ்ஸ அத்தங் வா. தீ³கே⁴ஸத்தா²னங்.

101. “ததோ ஸ்மிமீ”தி ஆரதோ ஸ்மினோ இ. “ஆரோ ரஸ்ஸமீகாரே”தி இம்ஹி ஆரஸ்ஸ ரஸ்ஸோ. ஸத்த²ரி. ஸத்தா²ரேஸு. ஏவங் நத்தாதி³.

102. பிதா ஸத்தே²வ. “பிதாதீ³னமஸிம்ஹீ”தி ஸிதோஞ்ஞேஸு ஆரஸ்ஸ ரஸ்ஸோவ விஸேஸோ. பிதரோ.

நம்ஹி - பிதூனந்திபி ஹோதி. ஏவங் பா⁴துப்பபு⁴தயோ.

103. அபி⁴பு⁴. ரஸ்ஸே-அபி⁴பு⁴வோ. யோலோபேஅபி⁴பு⁴. ஸேஸங் பி⁴க்க²வ, ரஸ்ஸோவ விஸேஸோ.

104. ஏவங் ஸப்³புஞ்ஞா. புப்³பே³வ யோனங் நோகாரோ ச. ஸப்³புஞ்ஞனோ, ஸப்³புஞ்ஞா.

105. கோ³.

கா³வஇத்வேவ.

“யோஸு சே”தி கோ³ஸத்³தோ³காரஸ்ஸ ஆவோ, “ததோ யோனமோ து”தீஹ துஸத்³தே³ன யோனங் ஒ. கா³வோ. ததா²லபனே.

106. அவம்ஹி ச.

அம்ஹி பரே கோ³ஸத்³தோ³காரஸ்ஸ ஆவஅவா ஹோந்தி, சஸத்³தே³ன ஹினங்வஜ்ஜிதேஸு ஸேஸேஸுபி.

107. “ஆவஸ்ஸு வா”தி அம்ஹி ஆவந்தஸ்ஸ உத்தங் வா, கா³ஹ்வங், கா³வங், க³வங். யோ-கா³வோ. கா³வேன, க³வேன. கோ³பி⁴, கோ³ஹி.

108. “கா³வ ஸே”தி ஸே ஒஸ்ஸ ஆவோ. கா³வஸ்ஸ, க³வஸ்ஸ. “ததோ ந”மாதோ³ சகாரேன நங்இச்சஸ்ஸ அங், ஒஸ்ஸ அவோ ச. க³வங்.

109. “ஸுஹினாஸு சே”தீஹ சகாரேன கொ³ஸ்ஸ கு³ ச. த்³வித்தே-கு³ன்னங், கோ³னங். கா³வா, க³வா, கா³வம்ஹா, க³வம்ஹா, கா³வஸ்மா, க³வஸ்மா. கோ³பி⁴, கோ³ஹி.

110. கா³வே, க³வே, கா³வம்ஹி, க³வம்ஹி, கா³வஸ்மிங், க³வஸ்மிங். கா³வேஸு, க³வேஸு, கோ³ஸு.

புல்லிங்கா³.

இத்தி²லிங்க³

111. கஞ்ஞா . ஸிலோபோ.

“ஆ கோ⁴”தி இத்தி²யங் ஆகாரஸ்ஸ க⁴ஸஞ்ஞா. யோ லோபே - கஞ்ஞா. பக்கே² - கஞ்ஞாயோ.

112. “க⁴தே சே”தி க³ஸ்ஸ ஏ. ஹே-கஞ்ஞே. கஞ்ஞா, கஞ்ஞாயோ.

113. கஞ்ஞங். கஞ்ஞா, கஞ்ஞாயோ.

114. ஆய ஏகவசனஸ்ஸெத்வேவ.

“க⁴தோ நாதீ³ன”ந்தி நாதே³கவசனானமாயோ. கஞ்ஞாய. கஞ்ஞாபி⁴, கஞ்ஞாஹி.

115. கஞ்ஞாய. கஞ்ஞானங்.

116. க⁴பதோ ஸ்மிங் யங் வா.

க⁴பேஹி ஸ்மினோ யங் வா ஹோதி. கஞ்ஞாயங், கஞ்ஞாய. கஞ்ஞாஸு.

117. ரத்தி , ஸிலோபோ.

“தே இத்தி²க்²யா போ”தி இத்தி²யமிவண்ணுவண்ணானங் பஸஞ்ஞா. யோலோபதீ³கா⁴. ரத்தீ. பக்கே² - ரத்தியோ. ததா²லபனே.

118. ரத்திங், ரத்தீ. ரத்தியோ.

119. ஏகவசனஸ்ஸ நாதீ³னந்த்வேவ.

“பதோ யா”தி நாதே³கவசனானங் யா. ரத்தியா. ரத்தீபி⁴, ரத்தீஹி.

120. ரத்தியா. ரத்தீனங்.

121. ரத்தியங், ரத்தியா. ரத்தீஸு.

122. நதீ³ . ஸேஸங் ரத்தீவ. அக⁴த்தா ரஸ்ஸோவ விஸேஸோ.

123. யாகு³ ரத்தீவ.

124. மாது, தீ⁴து, து³ஹித்வாத³யோ பிதேவ.

125. ஜம்பு³ நதீ³வ.

கஞ்ஞஇதி டி²தே -

இத்தி²யமதோ ஆபச்சயோ.

இத்தி²யங் வத்தமானா அகாரந்ததோ ஆபச்சயோ ஹோதி.
ஸரலோபபகல்யாதி³. கஞ்ஞா.

“தா⁴துப்பச்சயவிப⁴த்தி வஜ்ஜிதமத்த²வங் லிங்க³”ந்தி வசனதோ
பச்சயந்தஸ்ஸாலிங்க³த்தா தத்³தி⁴தாதி³ஸுத்தே சகாரேன நாமமிவ கதே -
ஸ்யாதி³. ஏவங் ஈஇனிஸு.

ஏவங் அஜா, ஏளகா, கோகிலா, அஸ்ஸா, மூஸிகா, ப³லாகா, மந்தா³,
ஜராஇச்சாதி³.

126. இத்தி²யந்த்யதி⁴காரோ.

நதா³தி³தோ வா ஈ.

இத்தி²யங் நதா³தி³தோ வா அனதா³தி³தோ வா ஈ ஹோதி. நதி³, நக³ரீ,
குமாரீ, ப்³ராஹ்மணீ, தருணீ, குக்குட, இத்தி² இச்சாதி³.

“மாதுலாதீ³னமானத்தமீகாரே”தி ஈம்ஹி மாதுலாத்³யந்தஸ்ஸ ஆனோ.
மாதுலானித்யாதி³.

அனதா³தி³தோ வா ஈ. ஸகீ², ஹத்தீ².

ப⁴வதோ போ⁴தோ.

ஈம்ஹி ப⁴வந்தஸ்ஸ போ⁴தோ ஹோதி. போ⁴தி.

127. “ண வ ணிகணெய்ய ணந்தூஹி”தி ஈ. மானவீ, நாவிகீ, வேனதெய்யீ,
கோ³தமீ.

128. “ந்துஸ்ஸ தமீகாரே”தி ந்துஸ்ஸ தோ வா. கு³ணவதீ, கு³ணவந்தீ.
தி⁴திமதீ, தி⁴திமந்தீ.

ந்தஸ்ஸ ந்துப்³யபதே³ஸோ. மஹதீ, மஹந்தீ.

129. பதிபி⁴க்கு²ராஜீகாரந்தேஹி இனீ.

பத்யாதீ³ஹி ஈகாரந்தேஹி ச இத்தி²யங் இனீ ஹோதி.

“பதிஸ்ஸினிம்ஹி”தி பத்யந்தஸ்ஸ அத்தே ஸரலோபாதோ³ துகாரேன
லோபாபா⁴வோ. “வா பரோ அஸருபா”தி இலோபோ, தி³கோ⁴ ச. க³ஹபதானீ,

பி⁴க்கு²னீ, ராஜினீ, மேதா⁴வினீ, தபஸ்ஸினீ, த⁴ம்மசாரினீ,
ப⁴யத³ஸ்ஸாவினீ, பு⁴த்தாவினீத்யாதி³.

இத்தி²லிங்கா³.

நபுங்ஸகலிங்க³

130. சித்த , ஸி.

நபுங்ஸகேஹி அதோ நிச்சந்தேவ.

ஸிங்.

அகாரந்தேதி நபுங்ஸகேஹி ஸிஸ்ஸ நிசங் அங் ஹோதி. சித்தங்.

யோனங் நி நபுங்ஸகேஹித்வேவ.

அதோ நிச்சங்.

அகாரந்தேஹி ந புங்ஸகேஹி யோனங் நிச்சங் நி ஹோதி, நிஸ்ஸ ஆ.
சித்தா. பக்கே² - யொஸ்வாதி³னா தீ³கே⁴ - சித்தானி.

131. க³லோபே - ஹே - சித்த. சித்தா, சித்தானி.

132. சித்தங் . நிஸ்ஸ ஏ - சித்தே, சித்தானி. ஸேஸங் பு³த்³தோ⁴வ.

133. மன, ஸி, மனங்.

நா வாத்வேவ.

134. மனோக³ணாதி³தோ ஸ்மின்னானமிஆ.

மனாதி³தோ ஸ்மின்னானங் இஆ வா ஹோந்தி.

ஸ ஸரே வாக³மோ.

விப⁴த்யாதே³ஸே ஸரே பரே மனாதி³தோ ஸாக³மோ வா ஹோதி.
மனஸா.

135. ஸஸ்ஸ சோ

மனாதி³தோ ஸஸ்ஸ ஓ ஹோதி, சஸத்³தே³ன ஸ்மாஸ்ஸ ஆ ச. மனஸோ,
மனஸா.

136. மனஸி . ஸேஸங் சித்தங்வ.

137. மனங் ஸிரங் உரங் தேஜங், ரஜங் ஓஜங் வயங் பயங்;
யஸங் தபங் வசங் சேதங், ஏவமாதி³ மனோக³னோ.

138. கு³ணவந்து , ஸி.

“அங் நபுங்ஸகே”தி ஸிம்ஹி ஸவிப⁴த்திஸ்ஸ ந்துஸ்ஸ அங். கு³ணவங்.
ந்துஸ்ஸ த்தே - கு³ணவந்தானி.

139. யோதோஞ்ஞங் புமேவ. ஏவங் க³ச்ச²ங்.

140. அட்டி².

வாத்வேவ.

“யோனந்னி நபுங்ஸகேஹி”தி யோனங் நி வா. அட்டினி. ஜ²த்தா யோலோபே
- அட்டி². ததா²லபனே.

141. அட்டி²ங், அட்டி²னி, அட்டி². ஸேஸங் அக்³கீ³வ.

142. த³ண்டி³, ஸி.

அக⁴த்தா ரஸ்ஸோ, த³ண்டி³. யோதோஞ்ஞங் புமேவ.

143. ஆயு அட்டி²வ.

நபுங்ஸகலிங்கா³.

புமித்தி²லிங்க³

144. புமித்தி²லிங்கா³ - க⁴ட, கட, யட்டி², முட்டி², ஸிந்து⁴,
ரேணுப்பபு⁴தயோ த்³விபத³ சதுப்பத³ ஜாதிவாசினோ ச.

யதா² - க⁴டோ, ஈபச்சயே-க⁴ட. ஏஸோ யட்டி², ஏஸா யட்டி²ச்சாதி³.

த்³விபத³ஜாதிவாசினோ யதா² - க²த்தியோ. ஆபச்சயே- க²த்தியா, ஸமனோ,
ஈம்ஹி-ஸமணீஇச்சாதி³.

சதுப்பத³ஜாதிவாசினோ யதா² - க³ஜோ, ஆ-க³ஜா, ப்³யக்³கோ⁴, ஈம்ஹி -
ப்³யக்³கீ⁴இச்சாதி³.

புமனபுங்ஸகலிங்க³

145. புமனபுங்ஸகலிங்கா³ - த⁴ம்ம, கம்ம, ப்³ரஹ்ம, குஸும ஸங்க்³ம, பது³ம, அஸ்ஸம, விஹார, ஸரீர, ஸுவண்ண, வண்ண, கஹாபண, ப்⁴வன, பு⁴வன, யொப்³புன, பு⁴ஸன, ஆஸன, ஸயன, ஓத³ன, ஆகாஸ, உபவாஸ, மாஸ, தி³வஸ, ரஸ, த²ல, ப²ல, ரட்ட² அம்பு³, மத்⁴வாத³யோ.

இத்தி²னபுங்ஸகலிங்க³

146. இத்தி²னபுங்ஸகலிங்கா³ - நக³ர, அச்சிப்பமுகா².

ஸப்³புலிங்க³

147. ஸப்³புலிங்கா³ - தட புட பத்த மண்ட³ல கலஸா த³யோ, நாமீகதா, ஸப்³புனாமானி ச. யதா² - தடோ, ஈம்ஹி - தட, தடமிச்சாதி³.

நாமீகதா யதா² - தே³வத³த்தோ, ஆ - தே³வத³த்தா தே³வத³த்தமிச்சாதி³.

ஸப்³புனாம

148. ஸப்³பு³, கதர, கதம, உப⁴ய, இதர, அஞ்ஞ, அஞ்ஞதர, அஞ்ஞதம, புப்³பு³, பர, அபர, த³க்கி²ண, உத்தர, ஏக, ய, த, ஏத, இம, அமு, கிங், தும்ஹ, அம்ஹ-இதி ஸப்³புனாமானி.

ஸப்³போ³ பு³த்தோ⁴வ. அயங் விஸேஸோ.

யொத்வேவ.

ஸப்³புனாமகாரதே பட²மோ.

ஸப்³பா³தீ³னமகாரதோ பரோ பட²மோ யோ எத்தங் யாதி ஸப்³பே³.

“தயோ நேவ ச ஸப்³புனாமேஹி”தி நிஸேதா⁴ ஸஸ்மாஸ்மின்னங் ஆய ஆ ஏ ந ஹொந்தி. ஸப்³புஸ்ஸ.

ஸப்³புதோ நங் ஸங்ஸானங்.

ஸப்³பா³தி³தோ நங்இச்சஸ்ஸ ஸங்ஸானங் ஹொந்தி.

அகாரோ ஏஇத்வேவ.

ஸப்³புனாமானங் நம்ஹி ச.

நம்ஹி ஸப்³பா³தீ³னமகாரஸ்ஸ ஏ ஹொதி. ஸப்³பே³ஸங், ஸப்³பே³ஸானங்.

149. இத்தி²யங் ஆ, ஸப்³பா³ கஞ்ஞாவ. அயங் விஸேஸோ. வாத்வேவ.

க⁴பதோ ஸ்மிங்ஸானங் ஸங்ஸா.

க⁴பஸஞ்ஞாதோ ஸப்³பா³தி³தோ ஸ்மிங்ஸானங் ஸங்ஸா வா ஹொந்தி.

“ஸங்ஸாஸ்வேகவசனேஸு சே”தி ஸாக³மோ.

கோ⁴ ரஸ்ஸங்.

ஏகவசனஸங்ஸாஸு கோ⁴ ரஸ்ஸங் யாதி. ஸப்³ப³ஸ்ஸா, ஸப்³பா³ய. ஸப்³பா³ஸங், ஸப்³பா³ஸானங். ஸப்³ப³ஸ்ஸங், ஸப்³பா³யங். ஸப்³பா³ஸு.

நேதாஹி ஸ்மிமாயயா.

க⁴பஞ்ஞாஹி ஸப்³பா³தி³ஹி ஸ்மினோ ஆய யா ந ஹொந்தி.

150. நபுங்ஸகே - ஸப்³ப³ங். ஸப்³பா³னி. ஏவங் து³தியா.

ஸப்³பா³த³யோ நபுங்ஸகே ததியாதி³ஸு ஸகஸகபுமஸமா. ஏவங் ய - ஸத்³த³ந்தா.

151. புப்³ப³பராபரேஹி து ஸ்மினோ “யத³னுபபன்னா நிபாதனா ஸிஜ்ஜ²ந்தீ”தி அனித்தி²யங் ஏ வா. புப்³பே³, புப்³ப³ஸ்மிங்இச்சாதி³.

ஏகஸத்³தோ³ ஸங்க்²யாதுல்யஞ்ஞாஸஹாயத்தோ². யதா³ ஸங்க்²யத்தோ², ததே³கவசனோ, அஞ்ஞத்த² ஸப்³ப³வசனோ ச.

யாதீ³னமாலபனங் நத்தி².

152. த, ஸி.

ஸிம்ஹி ஸங் அனபுங்ஸகஸ்ஸெத்வேவ.

ஏததேஸங் தோ.

ஸிம்ஹி அனபுங்ஸகானங் ஏததஇச்சேதேஸங் தகாரஸ்ஸ ஸ ஹொதி. ஸோ.

தஸ்ஸ வா நத்தங் ஸப்³ப³த்த².

திலிங்கே³ஸு ஸப்³பா³தி³னங் தகாரஸ்ஸ நோ வா ஹொதி. நே, தே. ஸேஸங் ஸப்³ப³ஸமங், நத்தங்வ விஸேஸோ.

153. இத்தி²யங் - ஸா, நா, நாயோ, தா, தாயோஇச்சாதி³.

வாத்வேவ.

ததோ ஸஸ்ஸ ஸ்ஸாய.

தாஏதாஇமாஹி ஸஸ்ஸ ஸ்ஸாயோ வா ஹோதி.

ஸங்ஸாஸ்வேகவசனேஸு இஇத்வேவ.

தஸ்ஸா வா.

ஏகவசனஸங்ஸாஸு தாஸத்³த³ஸ்ஸ ஆ இத்தங் வா யாதி. திஸ்ஸாய, திஸ்ஸா, தஸ்ஸா, தாய. தாஸங், தாஸானங். திஸ்ஸங், தஸ்ஸங், தாயங். தாஸு.

154. நபுங்ஸகே - தங்இச்சாதி³.

155. ஏஸோ. ஸேஸங் ஸப்³ப³ஸமங்.

156. இத்தி²யங் - ஏஸா.

ஸங்ஸாஸ்வேகவசனெஸ்வெத்வேவ.

ஏதிமாஸமி.

ஏகவசனஸங்ஸாஸு ஏதாஇமானமந்தஸ்ஸ இ ஹோதி. ஏதிஸ்ஸாய, ஏதிஸா, ஏதாய. ஏதாஸங், ஏதாஸானங். ஏதிஸ்ஸங், ஏதஸ்ஸங், ஏதாயங். ஏதாஸு. ஸேஸங் ஸப்³பா³வ.

157. நபுங்ஸகே - ஏதங் இச்சாதி³.

158. இம, ஸி.

“அனபுங்ஸகஸ்ஸாயங் ஸிம்ஹி”தி இமஸ்ஸ அயங். ஸிலோபோ. அயங், இமே. இமங், இமே.

“அனிமி நாம்ஹி சே”தி இமஸ்ஸ அனோ, இமி ச. அனேன, இமினா.

“ஸப்³ப³ஸ்ஸிமஸ்ஸே வா”தி ஸுனங்ஹிஸு ஏவா. ஏஹி, இமேஹி. வா ஸ்மாஸஸ்மிங்ஸங்ஸாஸ்வத்தந்த்வேவ.

இமஸத்³த³ஸ்ஸ ச.

ஸஸ்மாஸ்மிங்ஸங்ஸாஸு இமஸ்ஸ அத்தங் வா ஹோதி. அஸ்ஸ, இமஸ்ஸ. ஏஸங், ஏஸானங், இமேஸங், இமேஸானங். அஸ்மா, இமம்ஹா,

இமஸ்மா. ஏஹி, இமேஹி. அஸ்மிங், இமம்ஹி, இமஸ்மிங். ஏஸு, இமேஸு.

அத்தபக்கே² - “ந திமேஹி கதாகாரேஹீ”தி ஸ்மாஸ்மின்னங் ம்ஹாம்ஹி ந ஸிஜ்ஜ²ந்தே.

159. இத்தி²யங் - அயங். ஸேஸங் ஏதாவ, ஸங்ஸாஸ்வத்தங்வி விஸேஸோ.

160. நபுங்ஸகே - ஸவிப⁴த்திஸ்ஸ வாத்தேவ.

“இமஸ்ஸித³மங்ஸிஸு நபுங்ஸகே”தி இமஸ்ஸ இத³ங் வா. இத³ங், இமங் இமே, இமானி. ஏவங் து³தியா.

161. அமு , ஸி.

வா அனபுங்ஸகஸ்ஸ ஸிம்ஹித்வேவ.

“அமுஸ்ஸ மோ ஸங்”தி மஸ்ஸ ஸோ வா, ஸிலோபோ. அஸு.

“ஸப்³ப்தோ கோ”தி ஸப்³ப்னாமதோ காக³மோ. “ஸோ”தி ஓ, அமுகோ, பக்கே² - அமு. அமு, அமுயோ.

புப்³பே³வ யோனங் வோகாரோ ந. அமுங். அமு, அமுயோ. ஸேஸங் பி⁴க்க²வ ஸப்³பா³தி³காரியாஞ்ஞத்ர.

162. இத்தி²யங் - அஸு. ஸேஸங் யாகு³ஸமங். விஸேஸோயங் - அமுஸ்ஸா, அமுயா. அமுஸங், அமுஸானங். அமுஸ்ஸங், அமுயங். அமுஸு.

163. நபுங்ஸகே - ஸவிப⁴த்திஸ்ஸ அங்ஸிஸு நபுங்ஸகெத்வேவ.

“அமுஸ்ஸாது³ங்”தி அது³ங். அது³ங். அமு, அமுனி. ஏவங் து³தியா.

164. “ஸேஸேஸு சே”தி ஸப்³ப்த்த² கிஸ்ஸ கோ. கோ, கா, கங் இச்சாதி³. லிங்க³த்தயே ஸப்³ப்ஸமோ.

165. தும்ஹ , ஸி, அம்ஹ, ஸி.

ஸவிப⁴த்திஸ்ஸ தும்ஹம்ஹானந்த்யதி⁴காரோ.

த்வமஹங் ஸிம்ஹி ச.

ஸிம்ஹி ஸவிப⁴த்தீனங் தும்ஹம்ஹானங் த்வங் அஹங் ஹொந்தி. சஸத்³தே³ன தும்ஹஸ்ஸ துவங் ச. த்வங், துவங், அஹங். யோ - தும்ஹே.

“மயங் யொம்ஹி பட²மே”தி அம்ஹஸ்ஸ மயங் ஹோதி. மயங்.

166. “தங்மமம்ஹீ”தி அம்ஹி தங் மங் ஹொந்தி.

“தவங் மமஞ்ச நவா”தி அம்ஹி தவங் மமஞ்ச நவா.

“தும்ஹஸ்ஸ துவங் த்வமம்ஹீ”தி தும்ஹஸ்ஸ துவங், த்வஞ்ச. தங், தவங், துவங், த்வங், மங், மமங்.

ஆகந்த்வேவ.

“வா யொப்பட²மோ”தி து³தியாயொஸ்ஸ ஆகங் வா. தும்ஹாகங், தும்ஹே. அம்ஹாகங், அம்ஹே.

167. “நாம்ஹி தயா மயா”தி நாம்ஹி தயா மயா ஹொந்தி. “தயாதயீனங் தகாரோ த்வத்தங்வா”தி தஸ்ஸ த்வோ வா. த்வயா, தயா, மயா. தும்ஹேஹி, அம்ஹேஹி.

168. “தவ மம ஸே”தி ஸே தவ மம ஹொந்தி.

“துய்ஹங் மய்ஹங் சே”தி ஸே துய்ஹங் மய்ஹஞ்ச.

“ஸஸ்ஸங்”தி ஸஸ்ஸ அங் வா.

“அம்ஹஸ்ஸ மமங் ஸவிப⁴த்திஸ்ஸ ஸே”தி ஸே அம்ஹஸ்ஸ மமங் ச. தவ, துய்ஹங், தும்ஹங், மம, மய்ஹங், அம்ஹங், மமங்.

“தும்ஹம்ஹேஹி நமாகங்”தி நங்வசனஸ்ஸ ஆகங். தும்ஹாகங், அம்ஹாகங். ஸ்மானாவ.

169. “தும்ஹாம்ஹானங் தயி மயீ”தி ஸ்மிம்ஹி தயி மயி ஹொந்தி. த்வே கதே - த்வயி, தயி, மயி, தும்ஹேஸு, அம்ஹேஸு. லிங்க³த்தயே ஸமங்.

170. நவாத்வேவ.

பத³தோ து³தியா சதுத்தீ² ச²ட்²ஸு வோனோ.

அத்த²ஜ்ஜோதகா வண்ணா பத³ங், து³தியா சதுத்தீ² ச²ட்²ஸு ப³ஹுவசனேஸு பரேஸு பத³ஸ்மா பரேஸங் ஸவிப⁴த்தீனங் தும்ஹாம்ஹானங் வோனோகாரா நவா ஹொந்தி.

ரக்க²து வோ, பஸ்ஸது நோ, த³தா³தி வோ, த³தா³ஹி நோ, ஸத்த³தா⁴ வோ, ஸத்தா² நோ.

நவாதி கிங், ஏஸோ அம்ஹாகங் ஸத்தா².

171. பத³தொத்யதி⁴காரோ.

“தேமேகவசனேஸு சே”தி சதுத்தீ²ச²ட்டே²கவசனேஸு தே மே ஹொந்தி.
த³தா³மி தே, த³தா³ஹி மே, இத³ங் தே, அயங் மே.

“நஅம்ஹீ”தி அம்ஹி நிஸேதோ⁴. பஸ்ஸேத² தங், அஜினி மங்.

“வா ததியே சே”தி ததியேகவசனே தே மே வா ஹொந்தி. கதங் தே தயா
வா. கதங் மே மயா வா.

“ப³ஹுவசனேஸு வோனோ”தி ததியாப³ஹுவசனேஸு வோ நோ ஹொந்தி.
ப³ஹுவசனே பட²மே யொம்ஹி ச. கதங் வோ, கதங் நோ, கா³மங் வோ
க³ச்செ²ய்யாத², கா³மங் நோ க³ச்செ²ய்யாம.

ஸங்க்யா

172. ஸங்க்யா வுச்சதே.

ஏகஸத்³தோ³ ஸப்³ப³னாமேஸு வுத்தோ.

173. த்³வாத³யோ அட்டா²ரஸந்தா ப³ஹுவசனந்தா.

ஸவிப⁴த்திஸ்ஸ, இத்தி²புமனபுங்ஸகஸங்க்யந்தி சாதி⁴காரோ.

“யோஸு த்³வின்னங் த்³வே சே”தி த்³விஸ்ஸ த்³வே ஹொதி. த்³வே, த்³வே,
த்³விபி⁴, த்³வீஹி.

நோ ச த்³வாதி³தோ நம்ஹி.

நம்ஹி த்³வாதி³தோ நகாராக³மோ ஹொதி. த்³வின்னங், த்³வீஸு,
லிங்க³த்தயே ஸமங்.

174. திசதுன்னங் திஸ்ஸோ சதஸ்ஸோ தயோ சத்தாரோ தீணி சத்தாரி.

யோஸு இத்தி²புமனபுங்ஸகேஸு ஸவிப⁴த்தீனங் திசதுன்னங் திஸ்ஸோ
சதஸ்ஸோ ஆத³யோ ஹொந்தி. தயோ, தயோ, தீபி⁴, தீஹி, தின்னங்.

“இண்ணமிண்ணன்னங் தீஹி ஸங்க்யாஹீ”தி திஸத்³த³தோ நங்இச்சஸ்ஸ
இண்ணங் இண்ணன்னங் ச. திண்ணங், திண்ணன்னங், தீஸு.

175. இத்தி²யங்-திஸ்ஸோ , திஸ்ஸோ, தீபி⁴, தீஹி.

“நோ சா”தோ³ சகாரேன நம்ஹி ஸ்ஸங்ஆக³மோ, வக்³க³ந்தேதிஸ்ஸனங், தீஸு.

176. நபுங்ஸகே-தீணி, தீணி, தீஹி.

177. சத்தாரோ.

“ஓஸரே சே”தீஹ சகாரேன யோஸு உஸ்ஸ உரோ. “ததோ யோனமோதூ”தீஹ துகாரேன யோனங் ஓ. சதுரோ. ஏவங் து³தியா. சதுஹி, சதுன்னங், சதுஸு.

178. இத்தி²யங் , சதஸ்ஸோ, சதஸ்ஸோ, சதுஹி. புப்³பே³வ ஸ்ஸங்ஆக³மோ. யதா³தி³னா உஸ்ஸ அத்தங். சதஸ்ஸன்னங், சதுஸு.

179. நபுங்ஸகே, சத்தாரி, சத்தாரி.

180. “பஞ்சாதீ³ன மகாரோ”தி யோஸு ஸவிப⁴த்திஸ்ஸ பஞ்சாதீ³யந்தஸ்ஸ அத்தங். பஞ்ச, பஞ்ச.

“பஞ்சாதீ³ன மத்தங்”தி ஸுனங்ஹிஸு பஞ்சாதீ³யந்தஸ்ஸ அத்தங். ஏதீ³கா⁴னமபவாதோ³யங். பஞ்சஹி, பஞ்சன்னங், பஞ்சஸு. லிங்க³த்தயே ஸமங்.

181. ஏவங் ச² ஸத்த அட்ட² நவ த³ஸாத³யோ அட்டா²ரஸந்தா.

182. வீஸத்யாத³யோ ஆனவுதியா இத்தி²லிங்கா³ ஏகவசனந்தா, வீஸதி ரத்தீவ. ஏவங் திங்ஸதி.

சத்தாலீஸங் பஞ்ஞாஸங் ஸத்³தே³ஹி பராஸங் ஸப்³பா³ஸங் விப⁴த்தீனங் “ஸப்³பா³ஸமா”தோ³தீஹ ஆதி³ஸத்³தே³ன லோபோ, ஸட்டி² வீஸதீ வ. ஏவங் ஸத்ததி அஸீதி நவுதி.

ஸதங் நபுங்ஸகமேகவசனந்தங். ஏவங் ஸஹஸ்ஸாதி³.

கோடி வீஸதீவ.

183. ராஸிபே⁴தே³ து ஸப்³புத்த² ப³ஹுவசனம்பி. யதா²-த்³வேவீஸதியோ புத்த³த⁴த³ந்தா. திஸ்ஸோ வீஸதியோ தி³னக⁴டிகா. ஏவமஞ்ஞத்ர.

ஏஸேஸோ ஏதந்திப்பஸித்தி⁴, லோகஸ்ஸ ஹோதி யத்த²த்தே²ஸு.

தீ²புமனபுங்ஸகானித்யுச்சந்தே, தானிமானி லோகேனாத்தா².

184. அலிங்கா³ வுச்சந்தே.

க்வசி தோ பஞ்சம்யத்தே².

லிங்க³தோ பஞ்சம்யத்தே² க்வசி தொப்பச்சயோ ஹோதி.

“த்வாத³யோ விப⁴த்திஸஞ்ஞாயோ”தி தொப்பு⁴திதா³ன்யந்தானங்
விப⁴த்திஸஞ்ஞா. தஸ்மா தத³ந்தானம்பி விப⁴த்யந்தத்தா பத³த்தங்
ஸித்³த⁴ந்தி ந புன விப⁴த்தி. சோரஸ்மா சோரதோ. ஏவங் பிதிதோ, எத்த²
“பிதாதீ³ன மஸிம்ஹி” த்யத்ராஸிம்ஹிக்³ஹணேன தொம்ஹி பிதாதீ³னங்
உஸ்ஸ இ.

இமஸ்ஸி த²ந்தா³னிஹதோதே⁴ஸு ச.

த²ங்ஆதீ³ஸு பரேஸு இமஸ்ஸ இ ஹோதி. இதோ.

“ஸப்³புஸ்ஸேதஸ்ஸாகாரோ வா”தி தோதே²ஸ்வேதஸ்ஸ அத்தங் வா,
அதோ, எத்தோ. பக்கே²- “ஸரலோபா”தி³னா அகாரலோபோ.

“த்ரதோதே²ஸு சே”தி கிஸ்ஸ கு. குதோ.

“க்வசி தோ”தி ஸுத்தத்³விதா⁴கரணேன ஸத்தம்யத்தே² ச தோ ஹோதி,
ஆதி³ஸ்மிங், ஆதி³தோ.

185. “த்ரத² ஸத்தமியா ஸப்³புனாமேஹி”தி ஸத்தம்யத்தே² த்ரத²ப்பச்சயா
ஹோந்தி. ஸப்³புஸ்மிங், ஸப்³புத்ர, ஸப்³புத்த², த்³வித்தங். ஏவங் அத்ர, அத்த².
எத்த² “த்ரே நிச்ச”ந்தி புப்³பே³ ஏதஸ்ஸ அ. குத்ர, குத்த².

“ஸேஸேஸு சே”தி காதே³ஸே-கத்த².

186. “கிஸ்மா வோ சே”தி வப்பச்சயோ. “கிஸ்ஸ க வேசே”தி கோ,
ககாராகாரலோபோ. க்வ.

187. “ஹிங் ஹங் ஹிஞ்சன”ந்தி கஸ்மா ஹிங் ஆதி³பச்சயா. “கு ஹிங்
ஹங்ஸு சே”தி கிஸ்ஸ கு. சகாரேன ஹிஞ்சனங் தா³சனங்ஸு ச. குஹிங்,
குஹங், குஹிஞ்சனங்.

188. “தம்ஹா சே”தி ஹிங்ஹங். தஹிங், தஹங்.

189. “யதோ ஹிங்”தி ஹிங். யஹிங்.

190. “இமஸ்மா ஹதா⁴ சே”தி ஹதா⁴. இஹ, இத⁴.

191. “ஸப்³ப்தோ தீ⁴”தி தி⁴. ஸப்³ப்தி⁴.

192. காலெத்யதி⁴காரோ.

“கிங்ஸப்³ப்துஞ்சுகயகுஹி தா³தா³சன”ந்தி கிங் ஆதி³தோ தா³, தா³சனங் ச. கஸ்மிங் காலே கதா³, குதா³சனங்.

“ஸப்³ப்துஸ ஸோ தா³ம்ஹி வா”தி ஸப்³ப்துஸ ஸோ வா. ஸதா³, ஸப்³ப்தா³.

193. “தம்ஹா தா³னி சே”தி தா³னி, தா³ ச. ததா³னி, ததா³.

194. யதா³தி³னா இமஸத்³தா³, ஸமானாபரேஹி ச யதா²ஸங்க்யங் ஜ்ஜ ஜ்ஜுப்பச்சயா, இம, ஸமானானங் அ, ஸா ச. அஜ்ஜ, ஸஜ்ஜு, அபரஜ்ஜு.

195. “இமஸ்மா ரஹிது⁴னாதா³னி சே”தி ரஹ்யாதி³ப்பச்சயா. “ஏத ரஹிம்ஹி”தி இமஸ்ஸ ஏதோ. ஏதரஹி.

“அ து⁴னாம்ஹி சே”தி இமஸ்ஸ அ. அது⁴னா, இதா³னி.

196. லோபங் இத்வேவ.

ஸப்³பா³ஸமாவுஸோபஸக்³க³னிபாதாதீ³ஹி ச.

ஏதேஹி பரா ஸப்³பா³ விப⁴த்தீ லுப்யந்தே. த்வங் ஆவுஸோ, தும்ஹே ஆவுஸோ.

உபஸக்³க³னிபாத

197. உபஸக்³க³னிபாதா வுச்சந்தே.

ப பரா நி நீ உ து³ ஸங் வி அவ அனு பரி அதி⁴ அபி⁴ பதி ஸு ஆ அதி அபி அப உப ஏதே வீஸத்யுபஸக்³கா³.

ச ந வ வா மா ஹி தி⁴ சி கு து நு சே ரே ஹே ஸ்வே வே வோ கோ² நோ தோ யங் நங் தங் கிங் ஹந்த³ கிர ஏவ கீவ யாவ தாவ வத வத² அத² அங்க³ இங்க⁴ தக்³க⁴ ஆம நாம நூன புன பன ஆஹ ஸஹ ஸக்கா லப்³பா⁴ ஹெட்டா² ஆரா தூ³ரா தி³வா நவா வினா நானா அத்³தா⁴ முதா⁴ மிச்சா² பச்சா² ஆவி ஸக்கி² ஸச்சி ஸச்சி² ப³ஹி யதி³ இதி கிந்தி அத்தி² ஸொத்தி² க²லு நனு கிமு அஸ்ஸு யக்³கே⁴ ஸசே ஹவே ஸுவே அரே புரே நமோ திரோ அதோ⁴ அதோ² அஹோ ரஹோ ஹீயோ பீ⁴யோ அந்தோ பாதோ

ஸுத³ங் கல்லங் ஏவங் து⁴வங் அலங் ஹலங் ஸயங் ஸாயங் ஸமங் ஸாமங்
காமங் பாரங் ஓரங் சிரங் ஹுரங் அஹங் ஸஹங் உச்சங் நீசங் ஸகிங்
ஸத்³தி⁴ங், அத²வா அந்தரா ஆரகா பா³ஹிரா ப³ஹித்³தா⁴ யாவதா தாவதா
ஸமந்தா ஸாமந்தா ஆமந்தா ஸம்முகா² சரஹி தரஹி ஸம்பதி ஆயதி உபரி
யாவதே³ தாவதே³ திரியங் ஸனிகங் ஸஸக்கங் எத்தாவதா பரம்முகா²
கித்தாவதா ஏதரஹி அஞ்ஞத³த்து² ஸெய்யதி²த³ங் அப்பேவனாம
பீ⁴யோஸோமத்தாய இச்சாத³யோ நிபாதா.

198. ஸதி³ஸா யே திலிங்கே³ஸு, ஸப்³பா³ஸு ச விப⁴த்தீஸு.

வசனேஸு ச ஸப்³பே³ஸு, தே நிபாதாதி கித்திதா.

யதா² - உச்சங் ருக்கோ², லதா, க⁴ரங் வா, உச்சங் ருக்கோ². ஹே ருக்க²,
ருக்க²ங், ருக்கே²ன, ருக்க²ஸ்ஸ, ருக்க²ஸ்மா, ருக்கே² வா இச்சாதி³. உச்சங்
ருக்கோ², ருக்கா² வா இச்சாதி³. ஏவங் லதா, க⁴ராணி.

199. உப⁴யேஸு விப⁴த்யத்த -

க்ரியதே³ஸ ஸமய தி³ஸாகு³ணத்தே²ஹி;

ஸப்³பா³பி யதா²யோக³ங்,

விப⁴த்தியோஞ்ஞேஹி துப்பட²மா.

தங் யதா² - அதி⁴அந்தோஸத்³தே³ஹி ஸத்தமீ. ஸயங்ஸத்³தா³ ததியா,
ச²ட்²ச ச. நமோஸத்³தா³ பட²மா, து³தியா ச. பாரங்ஸத்³தா³ ஸத்தமீ.
தி³வாஸத்³தா³ பட²மா, து³தியா, ஸத்தமீ ச. ஹெட்டா²ஸத்³தா³ ஸத்தமீ.
உச்சங்ஸத்³தா³ ஸப்³பா³பி. பஸத்³தா³ ச சஸத்³தா³ ச பட²மா, ஹேஸத்³தா³
ஆலபனே பட²மா. ததா²ஞ்ஞேஹிபி.

200. உபஸக்³கா³ ஸப்³பே³பி ஸத்³த³ந்தரேன ஸஹ பயஜ்ஜந்தே. நிபாதா து
கேசி விஸும்பி. யதா² - பஹாரோ, பஹரதி, ஸா ச ஸோ ச பா⁴ஸதி வா
கரோதி வா, ஸொத்தி²த்யாதி³.

201. ஏகேகலிங்க³ங் த்³விலிங்க³ங், திலிங்க³ங் சாப்யலிங்கி³கங்.

சதுதே⁴தி நாமங் நாமங், நமத்யத்த²ந்தி கித்திதங்.

நாமிகங்.

3. ஸமாஸகண்ட³

ஸமாஸலக்க²ணாதி³

202. நாமானங் ஸமாலோ யுத்தத்தொ²த்யதி⁴காரோ. ஸமாலோதி
பி⁴ன்னத்தா²னங் பதா³ன மேகத்த²தா. யுத்தத்தோ²தி
அஞ்ஞமஞ்ஞஸம்ப³ந்த⁴த்தோ².

விபா⁴ஸாத்யதி⁴காதப்³பங் வாக்யத்த²ங்.

கம்மதா⁴ரயஸமாஸ

203. “மஹந்தோ ச ஸோ வீரோ சா”தி வாக்யே -

த்³விபதே³ துல்யாதி⁴கரணே கம்மதா⁴ரயோ.

பி⁴ன்னப்பவத்தினிமித்தா ஸத்³தா³ ஏகஸ்மிங் வத்து²னி பவத்தா
துல்யாதி⁴கரணா, விலேஸஸனவிலேஸஸஸ்பூ⁴தா ஸமானாதி⁴கரணா
த்³வே பதா³ யதா³ ஸமஸ்யந்தே, ததா³ ஸோ ஸமாலோ கம்மதா⁴ரயோ

நாம , இத⁴ வா ஸமாஸஸுத்தானி ஸஞ்ஞாத்³வாரேன
ஸமாஸவிதா⁴யகானி.

அக்³ஹிதவிலேஸஸனா புத்³தி⁴ விலேஸஸஸம்ஹி ந உப்பஜ்ஜதீதி
விலேஸஸனங் புப்³பங் ஹோதி, ஸமாலோனேவ துல்யாதி⁴கரணத்தஸ்ஸ
வுத்தத்தா தப்பகாஸனத்த²ங் பயுத்தா ஸமாஸதோ அதிரித்தா ச ஸோ இச்சேதே
“வுத்தட்டா²னமப்பயோகோ”தி ஞாயா நப்பயுஜ்ஜந்தே. ஏவமஞ்ஞத்ர.

தேஸங் விப⁴த்தியோ லோபா ச.

தேஸங் யுத்தத்தா²னங் ஸமாஸானங் புப்³புத்தரபதா³னங் விப⁴த்தீ
லுப்யந்தே, சகாரேன க்வசி ந.

ததோ மஹந்த வீர இதி ச ரூபப்பஸங்கே³ -

பகதி சஸ்ஸ ஸரந்தஸ்ஸ.

விப⁴த்தீஸு லுத்தாஸு ஸரந்தஸ்ஸ புப்³பு⁴தஸ்ஸ, பரபூ⁴தஸ்ஸ ச
அஸ்ஸ ஸமாஸபத³ஸ்ஸ பகதி ஹோதீதீஹ லுத்தாகாரா புனானியந்தே.

ததோ மஹந்த வீரஇதி டி²தே -

“மஹாதங் மஹா துல்யாதி⁴கரணே பதே³”தி மஹந்தஸ்ஸ மஹா.

தத்³தி⁴த ஸமாஸ கிதகா நாமங்வாதவேதுனாதீ³ஸ ச.

தத்³தி⁴தாத³யோ நாமங் இவ த³ட்ட²ப³பா³ தவெப்பபு⁴திபச்சயே வஜ்ஜெத்வா.

ததோ வத்திச்சா²ய ஸ்யாதி³. மஹாவீரோ, மஹாவீராகிச்சாதி³.

204. கம்மதா⁴ரயோ த்³வந்தோ³ ச, தப்புரிஸோ ச லாபி⁴னோ.

தயோ பரபதே³ லிங்க³ங், ப³ஹுப்³பீ³ஹி பத³ந்தரே.

205. ரத்தா ச ஸா படி சாதி ரத்தபடி, மஹந்தீ ச ஸா ஸத்த³தா⁴ சாதி மஹாஸத்த³தா⁴. எத்த² “கம்மதா⁴ரயஸஞ்ஞே சே”தி புப்³ப³பதே³ புமேவ கதே ஆபச்சயானங் நிவுத்தி.

206. நீலஞ்ச தங் உப்பலஞ்சாதி நீலுப்பலங், ஸத்தீ²வ ஸத்தி², ஸத்தி² ச ஸா ஸாமா சாதி ஸத்தி²ஸாமா. முக²மேவ சந்தோ³ முக²சந்தோ³.

விஸேஸனவிஸெஸ்ஸானங் யதெ²ச்ச²த்தா க்வசி விஸேஸனங் பரங் ஹோதி, க²த்தியபு⁴தோகிச்சாதி³, இச்சா² ச யதா²தந்தி.

உபே⁴ தப்புரிஸ ஸமாஸ

207. நஸத்த³தா³ ஸி, தஸ்ஸ லோபோ. ந ஸுரோ அஸுரோ.

எத்த² கம்மதா⁴ரயே கதே - “உபே⁴ தப்புரிஸா”தி தப்புரிஸஸஞ்ஞா. “அத்தன்னஸ்ஸ தப்புரிஸே”தி நஸ்ஸ அ. ந அஸ்ஸோ அனஸ்ஸோ. எத்த² “ஸரே அன”தி நஸ்ஸ அன.

208. “நாமானங் ஸமாலோ”தி ஸுத்தே த்³விதா⁴கதே அயுத்தத்தா²னம்பி க்வசி ஸமாலோ. ந புன கெ³ய்யா அபுனகெ³ய்யா கா³தெ²த்யாதி³. எத்த² கெ³ய்யேன ஸம்ப³ந்தோ⁴ ந-ஸத்தோ³ அயுத்தத்தே²னாபி புனேன யோக³விபா⁴க³ப³லா ஸமஸ்யதே.

தி³கு³ஸமாஸ

209. தயோ லோகா ஸமாஹடா திலோகங்.

எத்த² “ஸங்க்யாபுப்³போ³ தி³கூ³”தி கம்மதா⁴ரயஸ்ஸ தி³கு³ஸஞ்ஞா. ‘தி³கு³ஸ்ஸேகத்தங்’தி ஏகத்தங், நபங்ஸகத்தஞ்ச.

ஸுத்த⁴தப்புரிஸஸமாஸ

210. தப்புரிஸா த்வேவ.

அமாத³யோ பரபதே³ஹி.

து³தியந்தாத³யோ பரபதே³ஹி நாமேஹி யதா³ ஸமஸ்யந்தே, ததா³ ஸோ ஸமாலோ தப்புரிஸோ நாம.

கா³மங் க³தோ கா³மக³தோ.

“பஸ்ஸ வாஸிட்ட² கா³மங், க³தோ திஸ்ஸோ ஸாவத்தி²ங்”த்ய த்ராயுத்தத்த²தாய ந ஸமாலோ. ததா² ஞ்ஞத்ர ஞ்யயங்.

211. ரஞ்ஞா ஹதோ ராஜஹதோ.

கிச்சந்தேஹி பீ⁴யோ அதி⁴கத்த²வசனே.

தப்³ப³, அனீய, ண்ய, தெய்ய, ரிச்சப்பச்சயா கிச்சா.
து²தினிந்த³த்த²மஜ்ஜா²ரோபிதத்த²ங் வசனங் அதி⁴கத்த²வசனங்.
ஸோணலெய்யோ கூபோஇச்சாதி³. ஸோணேஹி யதா² லிய்ஹதே, ததா² புண்ணத்தா து²தி. தேஹி உச்சி²ட்ட²த்தா நிந்தா³ ச.

த³தி⁴னா உபஸித்தங் போ⁴ஜனங் த³தி⁴போ⁴ஜனங், ஸமாஸபதே³னேவ உபஸித்தக்ரியாய கத²னா நத்தெ²த்தா²யுத்தத்த²தா. உபஸித்தஸத்தா³ப்பயோகோ³ புப்³பே³வ.

212. கரணே து-அஸினா கலஹோ அஸிகலஹோ.

213. பு³த்³த⁴ஸ்ஸ தெ³ய்யங் பு³த்³த⁴த்³தெ³ய்யங், பரஸ்ஸபத³ங், எத்த² விப⁴த்யலோபோ. ஏவங் அத்தனோபத³மிச்சாதி³.

214. சோரஸ்மா ப⁴யங் சோரப⁴யங். ஏவங் ப³த்³த⁴னமுத்தோச்சாதி³.

215. ரஞ்ஞா புத்தோ ராஜபுத்தோ.

“ப்³ராஹ்மணஸ்ஸ கண்ஹா த³ந்தா” இச்சத்ர த³ந்தாபெக்கா² ச²ட்டி²தி கண்ஹேன ஸம்ப³ந்தா⁴பா⁴வா ந ஸமாலோ. யதா³ து கண்ஹா ச தே த³ந்தா சேதி கம்மதா⁴ரயோ, ததா³ ச²ட்டி² கண்ஹத³ந்தாபெக்கா²தி ப்³ராஹ்மணகண்ஹத³ந்தாதி ஸமாலோ ஹோதேவ.

216. “ரஞ்ஞா மாக³த⁴ஸ்ஸ த⁴ன” ந்த்யத்ர ரஞ்ஞாதி ச²ட்டி² த⁴ன மபெக்க²தே, ந மாக³த⁴ங். ராஜா ஏவ மாக³த⁴ஸத்³தே³ன வுச்சதேதி

பே⁴தா³பா⁴வா ஸம்ப³ந்தா⁴பா⁴வோதி துல்யாதி⁴கரணேன மாக³தே⁴ன
ஸஹ ராஜா ந ஸமஸ்யதே. த்³விட்டோ² ஹி ஸம்ப³ந்தோ⁴.

ரஞ்ஞோ அஸ்ஸோ புரிஸோ சே” த்ய த்ர ரஞ்ஞோ அஸ்ஸோ, ரஞ்ஞோ
புரிஸோ தி ச பச்சேகங் ஸம்ப³ந்த⁴தோ ஸாபெக்க²தா அத்தீ²தி ந ஸமாஸோ.
“அஸ்ஸோ ச புரிஸோ சா”தி த்³வந்தே³ கதே து ராஜஸ்ஸபுரிஸாதி ஹோதேவ,
அஞ்ஞானபெக்க²த்தா.

“ரஞ்ஞோ க³ருபுத்தோ” இச்சத்ர ராஜாபெக்கி²னோபி க³ருனோ

புத்தேன ஸஹ ஸமாஸோ, க³மகத்தா. க³மகத்தம்பி ஸமாஸஸ்ஸ
நிப³ந்த⁴னங். தத்த² க³ருனோ புத்தோதி விக்³க³ஹோ, ஏவமஞ்ஞத்ர.

217. ரூபே ஸஞ்ஞா ரூபஸஞ்ஞா.

க்வசி நிந்தா³யங் - கூபே மண்டூ³கோ விய கூபமண்டூ³கோ. ஏவங்
நக³ரகாகோ இச்சாதி³. அத்ரோபமாய நிந்தா³ க³ம்யதே.

அந்தேவாஸிகோ த்யாதோ³ விப⁴த்த்யலோபோ.

ப³ஹுப்³பீ³ஹிஸமாஸ

218. அஞ்ஞபத³த்தே²ஸு ப³ஹுப்³பீ³ஹி.

அப்பட²மந்தான மஞ்ஞேஸங் பதா³னங் அத்தே²ஸு த்³வே வா ப³ஹு³னி வா
நாமானி யதா³ ஸமஸ்யந்தே, ததா³ ஸோ ஸமாஸோ ப³ஹுப்³பீ³ஹி நாம.

ஆக³தா ஸமணா யங் ஸா ஆக³தஸமணோ, விஹாரோ.

219. ஜிதானி இந்த்³ரியானி யேன ஸோ ஜிதிந்த்³ரியோ, ப⁴க³வா. ஆஹிதோ
அக்³கி³ யேன ஸோ ஆஹிதக்³கி³. அக்³யாஹிதோ வாத்யாதோ³ யதெ²ச்ச²ங்
விஸேஸனஸ்ஸ பரதா.

220. கரணே து-சி²ன்னோ ருக்கோ² யேன ஸோ சி²ன்னருக்கோ², ப²ரஸு.

221. தி³ன்னோ ஸுங்கோ யஸ்ஸ ஸோ தி³ன்னஸுங்கோ, ராஜா.

222. நிக்³க³தா ஜனா யஸ்மா ஸோ நிக்³க³தஜனோ, கா³மோ.

223. த³ஸ ப³லானி யஸ்ஸ ஸோ த³ஸப³லோ, ப⁴க³வா. நத்தி² ஸமோ
யஸ்ஸ ஸோ அஸமோ. எத்த² “அத்தன்னஸ்ஸா”தி யோக³விபா⁴கே³ன
நஸ்ஸ அ.

பஹுதா ஜிவ்ஹா யஸ்ஸ ஸோ பஹுதஜிவ்ஹோ, மஹந்தீ பஞ்ஞா யஸ்ஸ ஸோ மஹாபஞ்ஞோ. த்³வீஸு “இத்தி²யம்பா⁴ஸிதபுமித்தீ²புமாவ சே”தி பும்பா⁴வாதிதே³ஸா புப்³புத்தரபதே³ஸு ஆஃப்பச்சயானமபா⁴வோ.

224. “க்வசி ஸமாஸந்தக³தானமகாரந்தோ”தி அந்தஸ்ஸ அத்தங். காரக்³க³ஹணேன ஆ இ ச. இத்தி²யமிவண்ணந்தா, த்வந்தேஹி ச கப்பச்சயோபி. யதா² - விஸாலங் அக்கி² யஸ்ஸ ஸோ விஸாலக்கோ², பச்சக்க²த⁴ம்மா, ஸிலோபோ. ஸோப⁴னோ க³ந்தோ⁴ யஸ்ஸ ஸோ ஸுக³ந்தி⁴. ப³ஹுகந்திகோ, ப³ஹுனதி³கோ, ஸமுத்³தோ³. எத்த² யதா³தி³னா ரஸ்ஸோ. ப³ஹுகத்துகோ. மத்தா ப³ஹுவோ மாதங்கா³ யஸ்மிங் தங் மத்தப³ஹுமாதங்க³ங், வனங்.

துல்யாதி⁴கரணோ.

225. ஸுவண்ணஸ்ஸ விய வண்ணோ யஸ்ஸ ஸோ ஸுவண்ணவண்ணோ. வஜிரங் பாணிம்ஹி யஸ்ஸ ஸோ வஜிரபாணி. உரஸி லோமானி யஸ்ஸ ஸோ உரஸிலோமோ. எத்த² விப⁴த்யலோபோ.

“அத்தே²ஸு”தி ப³ஹுத்தக்³க³ஹணேன க்வசி பட²மந்தானம்பி. ஸஹ ஹேதுனா யோ வத்ததே ஸோ ஸஹேதுகோ, “யதா³” தி³னா ஸஹஸ்ஸ ஸோ.

226. ஸத்த வா அட்ட² வா ஸத்தட்ட², மாஸா, எத்த²ஞ்ஞபத³த்தோ² வா ஸத்³த³ஸ்ஸத்தோ². த³க்கி²ணஸ்ஸா ச புப்³புஸ்ஸா ச தி³ஸாய யங் அந்தராலங், ஸா த³க்கி²ணபுப்³பா³, தி³ஸா.

பி⁴ன்னாதி⁴கரணோ.

அப்பட²மந்தானந்தி கிங், தே³ஸிதோ புத்³தே⁴ன யோ த⁴ம்மோ.

த்³வந்த³ஸமாஸ

227. நாமானங் ஸமுச்சயோ த்³வந்தோ³.

ஸமுச்சயோ , தி பிண்டி³கரணங் ஏகவிப⁴த்திகானங் நாமானங் யோ ஸமுச்சயோ, ஸோ த்³வந்தோ³ நாம, இத³ங் ஸுத்தங் ப³ஹுவசனவிஸயங்.

சந்தோ³ ச ஸூரியோ ச சந்த³ஸூரியா. திட்ட²ந்தி த்யாதி³.

க்ரியாஸம்ப³ந்த⁴ஸாமஞ்ஞதோ அத்தெ²த்தா²பேகத்த²தா, ஏவங் நரனாரியோ, அக்க²ரபதா³னி.

228. ததா² த்³வந்தே³ பாணி தூரிய யொக்³க்³ ஸேனங்க³ கு²த்³த³ஜந்துக விவித⁴ விருத்³த⁴ விஸபா⁴க்³த்தா²தீ³னஞ்ச.

விவிதே⁴னாகாரேன விருத்³தா⁴ விவித⁴விருத்³தா⁴, ஸபா⁴கா³ ஸதி³ஸா, விவிதா⁴ ச தே ஸபா⁴கா³ சேதி விஸபா⁴கா³. யதா² தி³கு³ஸமாலே, ததா² த்³வந்தே³ பாண்யங்க³த்தா²தீ³னங் ஏகத்தங், நபுங்ஸகத்தஞ்ச ஹோதி.

சக்கு²ஸோதங், கீ³தவாதி³தங், யுக³னங்க³லங், ஹத்த²ஸ்ஸங், அஸிசம்மங், ட³ங்ஸமகஸங், கோகாலாகங்.

நாமரூபங் , நாமங் நமனலக்க²ணங், ரூபங் ரூப்பனலக்க²ணங். ஏவமேதே த⁴ம்மா லக்க²ணதோ விவிதா⁴, பரமத்த²தோ ஸபா⁴கா³ ச.

ஆதி³ஸத்³தே³னாஞ்ஞத்தா²பி . யதா² - பி⁴ன்னலிங்கா³னங் - இத்தி²புமங். யதா³தி³னா ரஸ்ஸோ, தா³ஸிதா³ஸங், பத்த³வரங். க³ங்கா³ஸோணங்.

ஸங்க²யாபரிமானானங் - திகசதுக்கங்.

ஸிப்பீனங் - வேணரத²காரங்.

லுத்³த³கானங் - ஸாகுந்திக மாக³விகங்.

அப்பாணிஜாதீனங் - ஆரஸத்தி².

ஏகஜ்ஜா²யனப்³ராஹ்மணானங் - கட²காலாபங் இச்சாதி³.

229. விபா⁴ஸா ருக்க² திண பஸு த⁴ன த⁴ஞ்ஞ ஜனபதா³தீ³னஞ்ச.

த்³வந்தே³ ருக்கா²தீ³னங் ஏகத்தங் நபுங்ஸகத்தஞ்ச வா ஹோதி.

த⁴வக²தி³ரங், த⁴வக²தி³ரா, முஞ்ஜபப்³பஜங், முஞ்ஜபப்³பஜா, அஜேளகங், அஜேளகா, ஹிரஞ்ஞஸுவண்ணங், ஹிரஞ்ஞஸுவண்ணானி, ஸாலியவங், ஸாலியவா.

காஸிகோஸலங் காஸிகோஸலா.

ஆதி³ஸத்³தே³ன அஞ்ஞோஸுபி வா. யதா² - நிச்சவிரோதீ⁴னமத்³த³ப்³பா³னங் - குஸலாகுஸலங், குஸலாகுஸலானி.

ஸகுணீனங் - ப³கப³லாகங், ப³கப³லாகா.

ப்³யஞ்ஜனானங் - த³தி⁴க்⁴தங், த³தி⁴க்⁴தானி.

திஸானங் - புப்பாபரங், புப்பாபரா இச்சாதி.

அப்யயீபா⁴வஸமாஸ

230. அதி⁴ஸத்³தா³ ஸ்மிங், தஸ்ஸ லோபோ. அதி⁴ஸத்³தே³ன
துல்யாதி⁴கரணத்தா இத்தி²ஸத்³தா³பிஸ்மிங். நிச்சஸமாஸத்தா
ஆதா⁴ரபூ⁴தாயமித்தி²யந்தி பத³ந்தரேன விக்³க³ஹோ. அதி⁴ இத்தி²யந்தி டி²தே

உபஸக்³க³னிபாதபுப்புகோ அப்யயீபா⁴வோ.

உபஸக்³கா³தி³புப்புகோ ஸத்³தோ³ விப⁴த்யத்தா²தீ³ஸு ஸமாஸோ ஹோதி,
அப்யயீபா⁴வஸஞ்ஞோ ச.

“ஸோ நபுங்ஸகலிங்கோ³”தி அப்யயீபா⁴வோ நபுங்ஸகலிங்கோ³,
யதா³தி³னா ஏகவசனோ ச.

“ஸரோ ரஸ்ஸோ நபுங்ஸகே”தி ரஸ்ஸோ.

அஞ்ஞஸ்மா லோபோ ச.

அனகாரந்தா அப்யயீபா⁴வா பரா ஸப்³பா³ விப⁴த்தீ லுஜ்ஜரே. அதி⁴த்தி²,
விப⁴த்தீனமத்தோ² ஆதா⁴ராதி³.

இதா⁴தி⁴ஸத்³தோ³ ஆதா⁴ரேவத்ததே, அதி⁴த்தி²இச்சேதங் பத³ங் இத்தி²ய
மிச்சேதமத்த²ங் வத³தி.

ஸமீபங் நக³ரஸ்ஸ உபனக³ரங். “அங்விப⁴த்தீனமகாரந்தப்³யயீபா⁴வா”தி
விப⁴த்தீனங் க்வசி அங்.

க்வசீதி கிங். உபனக³ரே.

அபா⁴வோ மக்கி²கானங் நிம்மக்கி²கங் ரஸ்ஸோ. அனுபுப்³போ³ தே²ரானங்
அனுதே²ரங், அனதிக்கம்ம ஸத்திங் யதா²ஸத்தி.

யே யே பு³ட்³டா⁴ யதா²பு³ட்³ட⁴ங், விச்சா²யங்.

யத்தகோ பரிச்சே²தோ³ ஜீவஸ்ஸ யாவஜீவங், அவதா⁴ரணே.

ஆ பப்³புதா கெ²த்தங் ஆபப்³புதங் கெ²த்தங், மரியாதா³யங், வஜ்ஜமானா
ஸீமா மரியாதா³, பப்³புதங் வினாத்யத்தோ².

ஆ ஜலந்தா ஸீதங் ஆஜலந்தங் ஸீதங், அபி⁴விதி⁴ம்ஹி, க³ய்ஹமானா ஸீமா அபி⁴விதி⁴, ஜலந்தேன ஸஹெத்யத்தோ².

ஆஸத்த³யோகே³ “தா⁴துனாமா”தி³னா அபாதா³னவிதா⁴னேனேவ வாக்க்யம்பி ஸித்த³த⁴ங். ததா²ஞ்ஞத்ர.

231. “உத்தமோ வீரோ பவீரோ” இச்சாதோ³ பன புப்³ப³பத³த்த²ப்பதா⁴னத்தாபா⁴வாப்³யயீபா⁴வாபா⁴வோ கம்மதா⁴ரயோஏவ. ஏவங் விஸிட்²டோ² த⁴ம்மோ அபி⁴த⁴ம்மோ. குச்சி²தங் அன்னங் கத³ன்னங். எத்த² “கத³ குஸ்ஸா”தி ஸரே குஸ்ஸ கதா³தே³ஸோ.

அப்பகங் லவணங் காலவணங், எத்த² “காப்பத்தே²ஸு சா”தி குஸ்ஸ கா, ப³ஹுவசனேனாஞ்ஞத்ராபி க்வசி. குச்சி²தோ புரிஸோ காபுரிஸோ, குபுரிஸோ வா, ஏவமஸுராதி³.

புப்³ப³பருப⁴யமஞ்ஞபத³த்த² - ப்பதா⁴னாப்³யயீபா⁴வ ஸமாளோ; கம்மதா⁴ரயக தப்புரிஸா த்³வே, த்³வெந்தோ³ ச ப³ஹுப்³ஹி ச ஞெய்யா.

ஸமாளோ.

4. தத்³தி⁴தகண்ட³

அபச்சதத்³தி⁴த

232. வாணபச்சே.

ச²ட்ட²ந்தா ஸத்³தா³ “தஸ்ஸாபச்ச”மிச்சஸ்மிங் அத்தே² ணோ வா ஹோதி.
வாதி வாக்யத்த²ங். ணேணேவாபச்சத்த²ஸ்ஸ வுத்தத்தா
அபச்சஸத்³தா³ப்பயோகோ³.

“தேஸங் விப⁴த்யா” தோ³ தேஸங்க³ஹணேன விப⁴த்திலோபோ.
ததொ²த்தரத்ர.

“தேஸங் ணோ லோபங்”தி பச்சயானங் ணஸ்ஸ லோபோ.

“வுத்³தா⁴தி³ஸரஸ்ஸ வா ஸங்யோக³ந்தஸ்ஸ ஸணே சே”தி ஸணகாரே
பரே அஸங்யோக³ந்தஸ்ஸாதி³ஸரஸ்ஸ வுத்³தி⁴.

தஸ்ஸாபனியமே -

அயுவண்ணானஞ்சாயோ வுத்³தி⁴.

அகாரிவண்ணுவண்ணானங் ஆஏஓவுத்³தி⁴யோ ஹோந்தி, சஸத்³தே³ன
க்வசி ந.

ஸரலோபாதி³, தத்³தி⁴தத்தா நாமமிவ கதே ஸ்யாதி³.

தத்³தி⁴தாபி⁴தெ⁴ய்யலிங்க³-விப⁴த்திவசனா ஸியுங்.

ஸமூஹபா⁴வஜா பீ⁴யோ, ஸகத்தே² ண்யோ நபுங்ஸகே.

தா துத்தி²யங் நிபாதா தே, தா⁴மித²ங்பச்சயந்தகா.

வஸிட்ட²ஸ்ஸாபச்சங் போஸோ வாஸிட்டோ², இத்தீ² வாஸிட்டீ²,
நபுங்ஸகங் வாஸிட்ட²ங். விகப்பவிதா⁴னதோ தத்³தி⁴தேன
ஸமாஸஸ்ஸாச்சந்தங் பா³தா⁴யா பா⁴வா வஸிட்டா² பச்சந்திபி ஹோதி.

நபுங்ஸகேன வாபீதி, ஸத்³த³ஸத்த²விதூ³ விது³ங்.

233. வா அபச்சேதி சாதி⁴காரோ.

ணாயன ணான வச்சா²தி³தோ.

வச்சா²தி³தோ கொ³த்தக³ணதோ ணாயனோ ணானோ ச வா ஹோதி.

அபச்சங் பபுத்தப்பபு⁴தி கொ³த்தங். கச்சஸ்ஸாபச்சங் கச்சாயனோ, கச்சானோ வா. ஸங்யோக³ந்தத்தா ந வுத்³தி⁴.

234. “ணெய்யோ கத்திகாதீ³ஹி”தி ணெய்யோ, வினதாய அபச்சங் வேனதெய்யோ வினதெய்யோ வா. ந பக்கே² வுத்³தி⁴, ணெய்யோதி யோக³விபா⁴கே³ன “தஸ்ஸ தீ³யதே” த்யத்தே²பி ணெய்யோ, த³க்கி²ணா தீ³யதே யஸ்ஸ ஸோ த³க்கி²ணெய்யோ.

235. அதோ ணி வா.

அகாரந்ததோ அபச்சே ணி வா ஹோதி, புன வாஸத்³தே³ன ணிகோ, அகாரந்தா அனகாரந்தா ச போ³பி.

த³க்கி², ஸக்யபுத்திகோ, மண்ட³ப்³போ³, பா⁴துப்³போ³. த்³வித்தங்.

236. “ணவோ பக்³வாதீ³ஹி” தி ணவோ. மனுனோ அபச்சங் மாணவோ.

237. “ணேர வித⁴வாதி³தோ”தி ணேரோ, ஸாமணேரோ.

ஸங்ஸட்டா²தி³அனேகத்த²தத்³தி⁴த

238. “யேன வா ஸங்ஸட்ட²ங் தரதி சரதி வஹதி ணிகோ”தி ணிகோ. வாகாரேன நேகத்தே²னேகபச்சயா ச. க⁴தேன ஸங்ஸட்டோ² கா⁴திகோ, ஓத்³னோ. உளுபேன தரதீதி ஓளுபிகோ, உளுபிகோ வா, ந பக்கே² வுத்³தி⁴.

ஸகடேன சரதீதி ஸாகடிகோ. ஸீஸேன வஹதீதி ஸீஸிகோ, ந வுத்³தி⁴.

இத்தி²லிங்க³தோ எய்யகோ, ணகோ ச. சம்பாயங் ஜாதோ சம்பெய்யகோ. ஏவங் பா³ராணஸெய்யகோ. ணகோ - குஸினாராயங் வஸதீதி கோஸினாரகோ. ஜனபத்³தோ ணகோ ச - மக³தே⁴ஸு வஸதி, தேஸங் இஸ்ஸரோ வா மாக³த்⁴கோ.

தஜ்ஜாதியா விஸிட்ட²த்தே² ஆஜானீயோ. அஸ்ஸஜாதியா விஸிட்டோ² அஸ்ஸாஜானீயோ. ஞோ - அக்³க³ந்தி ஜானிதப்³பங் அக்³க³ஞ்ஞங், த்³வித்தங்.

239. தமதீ⁴தே தேன கதாதி³ஸன்னிதா⁴னநியோக³ஸிப்பப⁴ண்ட³ ஜீவிகத்தே²ஸு ச.

தங் அதீ⁴தே இச்சாதீ³ஸ்வத்தே²ஸு ஆதி³ஸத்³தே³ன ஹதாதீ³ஸு ச ணிகோ வா ஹோதி. அபி⁴த்⁴ம்மமதீ⁴தேதி ஆபி⁴த்⁴ம்மிகோ, அபி⁴த்⁴ம்மிகோ

வா, ந பக்கே² வுத்தி⁴. வசஸா கதங் கம்மங் வாசஸிகங். ஏவங் மானஸிகங், எத்த² -

“ஸ ஸரே வாக³மோ”தீஹானுவத்திதாதி³ஸத்³தே³ன ஸாக³மோ.

ஸரீரே ஸன்னிதா⁴னா வேத³னா ஸாரீரிகா. த்³வாரே நியுத்தோ தோ³வாரிகோ, எத்த²- “மாயுனமாக³மோ டா²னே”தி வகாரதோ புப்³பே³ ஓகாராக³மோ.

ஸிப்பந்தி கீ³தாதி³கலா, வீணா அஸ்ஸ ஸிப்பந்தி வேணிகோ, அத்ர வீணேதி வீணாவாத்³னங். க்³ந்தோ⁴ அஸ்ஸ ப்⁴ண்ட³ந்தி க்³ந்தி⁴கோ, மகே³ ஹந்த்வா ஜீவதீதி மாக³விகோ, வகாராக³மோ. ஜாலேன ஹதோ ஜாலிகோ, ஸுத்தேன ப்³த்தோ⁴ ஸுத்திகோ, சாபோ அஸ்ஸ ஆயுத⁴ந்தி சாபிகோ, வாதோ அஸ்ஸ ஆபாதோ⁴ அத்தீ²தி வா வாதிகோ, புத்³தே⁴ பஸன்னோ புத்³தி⁴கோ, வத்தே²ன கீதங் ப்⁴ண்ட³ங் வத்தி²கங்.

கும்போ⁴ அஸ்ஸ பரிமாணங், த மரஹதி, தேஸங் ராஸி வா கும்பி⁴கோ. அக்கே²ன தி³ப்³பீதி அக்கி²கோ, மக³தே⁴ஸு வஸதி, ஜாதோதி வா மாக³தி⁴கோ இச்சாதி³.

240. ண ராகா³ தேன ரத்தங் தஸ்ஸேத³மஞ்ஞத்தே²ஸு ச.

தேன ரத்தங் த்யாத்³யத்தே²ஸு ணோ வா ஹோதி. கஸாவேன ரத்தங் காஸாவங்.

ஏவங் நீலங் பீதமிச்சாதி³. ந வுத்தி⁴, மஹிஸஸ்ஸ இத³ங் மாஹிஸங், ஸிங்க³ங்.

ஏவங் ராஜபோரிஸங், எத்த² “அயுவண்ணானஞ்சா” தோ³ புன வுத்தி⁴க்³ஹணேன உத்தரபத³ஸ்ஸ வுத்தி⁴. மக³தே⁴ஹி ஆக³தோ, தத்ர ஜாதோ, தேஸங் இஸ்ஸரோ, தே அஸ்ஸ நிவாஸோதி வா மாக³தோ⁴, கத்திகாதீ³ஹி யுத்தோ கத்திகோ, மாஸோ.

புத்³தோ⁴ அஸ்ஸ தே³வதாதி புத்³தோ⁴. ப்³யாகரணங் அவேச்ச அதீ⁴தேதி வெய்யாகரணோ. எத்த² “மாயுனமா”தி³னா யகாரதோ புப்³பே³ ஏ ஆக³மோ, யஸ்ஸ த்³வித்தங். ஸக³ரேஹி நிப்³புத்தோ ஸாக³ரோஇச்சாதி³.

241. ஜாதாதீ³னமிமியா ச.

ஜாதாதீ³ஸு இமோ இயோ ச ஹோதி, சஸத்³தே³ன கியோ ச. பச்சா² ஜாதோ பச்சி²மோ, மனுஸ்ஸஜாதியா ஜாதோ மனுஸ்ஸஜாதியோ. அந்தே நியுத்தோ அந்திமோ, அந்தியோ.

ஏவங் அந்த⁴கியோ. புத்தோ அஸ்ஸ அத்தீ²தி புத்திமோ, புத்தியோ. ஏவங் கப்பியோ.

242. “தத³ஸ்ஸட்டா²னமீயோ சே”தி ஈயோ, சகாரேன ஹிதாத்³யத்தே²பி, ப³ந்த⁴னஸ்ஸ டா²னங் ப³ந்த⁴னீயங், சங்கமனஸ்ஸ ஹிதங் சங்கமனீயங்.

243. “ஆலு தப்³ப³ஹுலே”தி ஆலு. அபி⁴ஜ்ஜா²ப³ஹுலோ அபி⁴ஜ்ஜா²லு.

விஸேஸதத்³தி⁴த

244. விஸேஸே தரதமிஸ்ஸிகியிட்டா².

அதிஸயத்தே² தராத³யோ ஹொந்தி.

அயமேதேஸங் அதிஸயேன பாபோதி பாபதரோ, பாபதமோ, பாபிஸ்ஸிகோ, பாபியோ, பாபிட்டோ² வா.

“வுத்³த⁴ஸ்ஸ ஜோ இயிட்டே²ஸு”தி வுத்³த⁴ஸ்ஸ ஜாதே³ஸே - “ஸரலோபா”தோ³ பகதிக்க³ஹணேன பகத்யபா⁴வா இஸ்ஸ ஏ. ஜெய்யோ, ஜெட்டோ².

ஏவங் “பஸத்த²ஸ்ஸ ஸோ சே”தி ஸாதே³ஸே ஸெய்யோ, ஸெட்டோ².

அஸ்ஸத்தி²தத்³தி⁴த

245. “தத³ஸ்ஸத்தீ²தி வீ சே”தி வீ. மேதா⁴ அஸ்ஸ அத்தீ²தி மேதா⁴வீ.

246. ஏவங் “தபாதி³தோ ஸீ”தி ஸீ, த்³வித்தங், தபஸ்ஸீ.

247. “த³ண்டா³தி³தோ இக ஈ”தி இகோ, ஈ ச. த³ண்டி³கோ, த³ண்டி³.

248. “கு³ணாதி³தோ வந்தூ”தி வந்து. கு³ணவா, பஞ்ஞவா. யதா³தி³னா ரஸ்ஸோ.

249. “ஸத்யாதீ³ஹி மந்தூ”தி மந்து. ஸதிமா, பா⁴னுமா.

250. “ஆயுஸ்ஸுகாராஸ்மந்தும்ஹீ”தி உஸ்ஸ அஸ. ஆயஸ்மா.

251. “ஸத்³தா⁴தி³தோ ண” இதி ணோ. ஸத்³தோ⁴.

252. “தப்பகதிவசனே மயோ”தி மயோ. ஸுவண்ணேன பகதங் ஸோவண்ணமயங், ஸுவண்ணமயங் வா. பக்கே² - யதா³தி³னா வுத்³தி⁴.

ஏதேஸமோ லோபே.

விப⁴த்திலோபே மனாதீ³னமந்தஸ்ஸ ஓ ஹோதி. மனோமயங்.

ஸங்க்²யாதத்³தி⁴த

253. ஸங்க்²யாபூரணே த்யதி⁴காரோ.

“த்³விதீஹி தியோ”தி தியோ, “தியே து³தாபி சே”தி த்³விதீனங் து³தா. த்³வின்னங் பூரணோ து³தியோ, ஏவங் ததியோ.

254. “சதுச்சே²ஹி த²டா²”தி த²டா². சதுத்தோ², ச²ட்டோ².

255. தேஸமட்³டு⁴பபதே³ன அட்³டு⁴ட்³ட⁴ தி³வட்³ட⁴ தி³யட்³டா⁴ட்³ட⁴தியா.

சதுத்த² து³திய ததியானங் அட்³டு⁴பபதே³ன ஸஹ அட்³டு⁴ட்³ட⁴ தி³வட்³ட⁴ தி³யட்³டா⁴ட்³ட⁴தியா ஹொந்தி.

அட்³டே⁴ன சதுத்தோ² அட்³டு⁴ட்³டோ⁴, அட்³டே⁴ன து³தியோ தி³வட்³டோ⁴, தி³யட்³டோ⁴ வா, அட்³டே⁴ன ததியோ அட்³ட⁴தியோ.

256. “ஸங்க்²யாபூரணே மோ”தி மோ, பஞ்சமோ. இத்தி²யங் பஞ்சன்னங் பூரணீ பஞ்சமீ.

ஏகோ ச த³ஸ சாதி த்³வந்தே³ கதே -

த்³வேகட்டா²னமாகாரோ வா.

ஸங்க்²யானே உத்தரபதே³ த்³விஏகஅட்ட²இச்சேதேஸ மந்தஸ்ஸ ஆ வா ஹோதி. ஏகாத்³ஸ பஞ்சீவ. ஏவங் த்³வாத்³ஸ.

யதாத்³தினா திஸ்ஸ தேஆதே³ஸே “ஏகாத்³தோ த்³ஸ்ஸ ர ஸங்க்²யானே”தி த்³ஸஸத்³தே³ த்³ஸ்ஸ ரோ. தேரஸ.

257. “சதுபபத்³ஸ்ஸ லோபோ துத்தரபதாத்³தி³சஸ்ஸ சுசோபி நவா”தி சதுஸத்³தே³ துஸ்ஸ லோபோ சஸ்ஸ சு ச. சுத்³த்³ஸ.

“த்³ஸே ஸோ நிச்சஞ்சே”தி ச்²ஸ்ஸ ஸோஆதே³ஸே - “ள த்³ரானங்”தி த்³ஸஸத்³தே³ த்³ஸ்ஸ லோ. ஸோளஸ, அட்டா²ரஸ.

258. “வீஸதி த்³ஸேஸு பா³ த்³விஸ்ஸ தூ”தி த்³விஸ்ஸ பா³. பா³வீஸதி, ஏகாத்³ஸன்னங் பூரணோ ஏகாத்³ஸமோ.

259. “ஏகாத்³தோ த்³ஸஸ்ஸீ”தி இத்தி²யங் ஈ. ஏகாத்³ஸ் இச்சாதி³.

“த்³வாதி³தோ கோனேகத்தே² சே”தி கோ, த்³வே பரிமாணானி அஸ்ஸேதி த்³விகங். ஏவங் திகாதி³.

260. “ஸமுஹத்தே² கண்ணா”தி கண ச, ணோ ச. மனுஸ்ஸானங் ஸமுஹோ மானுஸ்ஸகோ, மானுஸ்ஸோ வா.

ணே கதே - “ஜ²லானமியுவா ஸரே வா” தீஹ வாகாரேன இஸ்ஸ அயாதே³ஸே - த்³வயங், தயங். ஏவங் “கா³மஜனப³ந்து⁴ஸஹாயாதீ³ஹி தா”தி தா. கா³மதா, நாக³ரதா.

பா⁴வதத்தி⁴த

261. ண்யத்ததா பா⁴வே து.

பா⁴வத்தே² ண்யத்ததா ஹொந்தி. துஸத்தே³ன த்தனோ ச. ஸகத்தா²தீ³ஸுபி ண்யோ, ஸகத்தே² தா ச.

262. ஹொந்த்யஸ்மா ஸத்த³த³ஞாணானி,
பா⁴வோ ஸா ஸத்த³த³வுத்தியா;
நிமித்தபூ⁴தங் நாமஞ்ச,
ஜாதி த³ப³பங் க்ரியா கு³ணோ.

263. யதா² - சந்த³ஸ்ஸ பா⁴வோ சந்த³த்தங். இஹ நாமவஸா சந்த³ஸத்தோ³ சந்த³த³த³ப³பே³ வத்ததே, நிமித்தஸ்ஸ ரூபானுகஞ்ச ஞாணங். ஏவங் மனுஸ்ஸத்தந்தி மனுஸ்ஸஜாதிவஸா. யதா³தி³னா ஈஸ்ஸ ரஸ்ஸே - த³ண்டி³த்தந்தி த³ண்ட³த³த³ப³ப³ஸம்ப³ந்தா⁴. பாசகத்தந்தி பசனக்ரியாஸம்ப³ந்தா⁴. நீலத்தந்தி நீலகு³ணவஸா.

ஏவங் ண்யாதீ³ஸுபி யதா²யோகங் ஞெய்யங். ண்யோ.

அவண்ணோ யே லோபஞ்ச.

யே பரே அவண்ணோ லுப்யதே, சகாரேன இகாரோபி.

யவதங் தலணத³காரானங் ப்யஞ்ஜனானி சலஞ ஜகாரத்த³ந்தி யகாரயுத்தானங் தாதீ³னங் சாத³யோ, காரக்³க³ஹ்ணேன ஸகபப⁴மாதீ³தோ பரயகாரஸ்ஸ புப்³பே³ன ஸஹ க்வசி புப்³ப³ரூபஞ்ச, த்³வித்தங். பண்டி³ச்சங், கோஸல்லங், ஸாமஞ்ஞங், ஸோஹஜ்ஜங், போரிஸ்ஸங், நேபக்கங், ஸாருப்பங், ஓஸப்³ப⁴ங், ஓபம்மங்.

ஆத்தஞ்ச.

இஉஇச்சேதேஸங் ஆ ஹோதி, ரிகாராக³மோ ச டா²னே.

ஸரலோபாதி³னா இலோபோ. இஸினோ பா்⁴வோ.

ஆரிஸ்ஸங் . ஏவங் முது³தா, அரஹதா, ந்தஸ்ஸ யதா³தி³னா லோபோ.

புது²ஜ்ஜனத்தனங், அகிஞ்சனமேவ ஆகிஞ்சஞ்ஞங், குண்ட³னியா அபச்சங் கொண்ட³ஞ்ஞோ, எத்த² வுத்³தா்⁴தோ³ வாகாரேன ஸங்யோக³ந்தஸ்ஸாபி வுத்³தி்⁴.

பதா³ய ஹிதங் பஜ்ஜங், த்⁴னாயங் ஸங்வத்தனிகங் த்⁴ஞ்ஞங், ஸதிதோ ஸம்பு்⁴தங் ஸச்சங், இலோபோ, தீஸு ந வுத்³தி்⁴. தே³வோ ஏவ தே³வதா.

264. “ண விஸமாதீ³ஹீ”தி பா்⁴வே ணோ. வேஸமங். உஜுனோ பா்⁴வோ அஜ்ஜவங். எத்த² உஸ்ஸ ஆத்தே பருகாரஸ்ஸ யதா³தி³னா அவோ.

265. “ரமணீயாதி³தோ கண்தி கண. மானஞ்ஞுகங்.

அப்யயதத்³தி்⁴த

266. “விபா்⁴கே³ தா்⁴ சே”தி தா்⁴, சகாரேன ஸொப்பச்சயோ ச. ஏகேன விபா்⁴கே³ன ஏகதா்⁴, நிபாதத்தா ஸிலோபோ. பத³விபா்⁴கே³ன பத³ஸோ.

267. “ஸப்³ப³னாமேஹி பகாரவசனே து தா²”தி தா². துகாரேன த²த்தா ச. ஸப்³போ³ பகாரோ, ஸப்³பே³ன பகாரேன வா ஸப்³ப³தா². ஏவங் அஞ்ஞுத²த்தா.

268. “கிமிமேஹி த²”ந்தி த²ங், காதே³ஸே-கத²ங். இஆதே³ஸே-இத்த²ங், த²ந்தி யோக³விபா்⁴கே³ன த²ங்-ப³ஹுத்த²ங்.

269. அமலினங் மலினங் கரோதீத்யாத³யத்தே²-அபு்⁴ததப்³பா்⁴வே க³ம்யமானே கரபு்⁴யோகே³ ஸதி நாமதோ யதா³தி³னா ஈப்பச்சயோ, மலினீகரோதி ஸேதங். அப்⁴ஸ்மனோ ப்⁴ஸ்மனோ கரணந்தி ப்⁴ஸ்மீகரணங் கட்ட²ஸ்ஸ. அமலினோ மலினோ ப்⁴வதீதி மலினீப்⁴வதி ஸேதோ. ஈப்பச்சயந்தோபி நிபாதோ. அபு்⁴ததப்³பா்⁴வேதி கிங், க்⁴டங் கரோதி, க்⁴டோ ப்⁴வதி.

கரபு்⁴யோகே³தி கிங், அமலினோ மலினோ ஜாயதே.

அவத்தா²வதோவத்த²யா, பூ்⁴தஸ்ஸஞ்ஞாய வத்து²னோ.

தாயாவத்தா²ய ப்⁴வனங், அபு்⁴ததப்³ப்⁴வங் விது³ங்.

தத்³தி்⁴தோ.

